

鄭健盧著

桂遊一月記

中華書局印行

69
92

鄭 僊 廬 著

桂 遊 一 月 記

中 華 局 書 印 行



自序

顧亭林曰：「有體國經野之心，而後可以登山臨水。」是知游觀攬勝，非徒悅性怡情已也。桂省僻處西南，比年政治革新，成績懋著，而山水奇秀，自昔有名。今夏有事於梧州，乘便觀光桂省。綜計游程，由香港而廣州，而三水、河口，而梧州，而南寧，而武鳴，而柳州，而富、賀、鍾，而桂林，而柳州，而梧州，以歸香港。公路所經二十五縣，沿江所過凡七縣，歷程四千餘里，爲時二十餘日。舉凡桂省政治、教育、建設、交通、農林、鑛產、工業、團務、名勝、古蹟，見聞所得，塗抹而成。健固不文，此作原視同覆瓿；況管中窺豹，僅見一斑，罣漏之譏，知所難免。綴爲斯編，以寫實狀，亦聊作桂遊之紀念云爾。民國二十有三年六月鄭子健謹誌。

桂遊一月記

一

693.4
972
2

桂遊一月記

目次

一	桂遊緣起	一
二	從廣州赴三水河口	一一二
三	望鼎湖山	二一五
四	過羚羊峽	五一六
五	龍母誌異	六一七
六	入梧手續	七一八
七	到梧州	八一〇
八	廣西大學校	一〇一三
九	兩廣硫酸廠	一一一三

一〇	從戎圩首途	三三四
一一	到容縣	一五一六
一二	從容縣啓行	一六
一三	過鬱林	一六一八
一四	過貴縣	一八一九
一五	翼王亭	二〇一二
一六	過賓陽	二一三三
一七	賓陽盜業概況	三二二三
一八	崑崙關	三三一四
一九	到南寧	二四一六
二〇	政府當局之訪問	二六一七
二一	桂省政府合署組織大綱	二七二三
二二	南寧旅客檢查之公佈	三三一四

二三	桂省公務人員之軍訓	三四—三五
二四	南寧市區	三五—三七
二五	桂省教育概況	三七—四〇
二六	南寧各友之訪問	四〇—四二
二七	邕武道中	四二
二八	南寧區民團指揮部	四三—四六
二九	廣西初中軍事訓練第一大隊	四六
三〇	大同村公所	四七
三一	南寧區公務人員眷屬工讀學校	四七—四八
三二	武鳴縣城	四八—四九
三三	靈源	四九—五〇
三四	起鳳山	五〇—五一
三五	省政府之讞集	五一—五二

三六	桂省民團訓練概況·····	五三
三七	白健生黃旭初之軼事·····	五四
三八	三塘斷橋·····	五四—五五
三九	廣西家畜保育所·····	五五—五六
四〇	桂省報史紀聞·····	五五—五六
四一	從南寧出發·····	五六—五七
四二	鄭交泰治上林縣之政績·····	五六—五七
四三	過蘆圩·····	五七—五八
四四	過遷江·····	五八—五九
四五	到柳州·····	五九—六〇
四六	廣西航空處·····	六〇
四七	廣西機械廠·····	七一
四八	廣西酒精廠·····	七一—七二

四九	廣西農林試驗場	七三
五〇	立魚峯	七四—七五
五一	柳侯公園	七五—七七
五二	從柳州啓行	七七—七八
五三	過荔浦平樂	七八—八〇
五四	廣西鑛務局富賀鍾辦事處	八〇—八一
五五	桂省鑛產概況	八一—八二
五六	發展富賀鍾錫鑛計劃	八二—八四
五七	發展西灣煤鑛計劃	八四
五八	賀成錫鑛公司	八四—八五
五九	普益施仁錫鑛公司	八五—八六
六〇	平樂區民團指揮部	八六—八七
六一	賀縣八步五卅紀念	八七

六二	賀縣民衆圖書館·····	八七—八八
六三	桂花井·····	八八—八九
六四	籌築三賀鐵路計劃·····	八九—九〇
六五	姑婆山紀遊·····	九〇—九三
六六	西灣休憩·····	九四
六七	從西灣啓行·····	九四—九五
六八	過陽朔·····	九五—九六
六九	桂林林墾區·····	九六—九七
七〇	良豐花園·····	九七—九八
七一	廣西省立師範專科學校·····	九八—九九
七二	到桂林·····	九九—一〇一
七三	中山公園 獨秀峯·····	一〇一—一〇五
七四	象鼻山 水月洞·····	一〇五—一〇六

七五	浮橋 花橋	二〇八—二〇九
七六	普陀山 七星岩	二〇九—二一
七七	月牙山	二一一—二二
七八	龍隱岩	二二—二五
七九	伏波山 還珠洞	二五—二九
八〇	疊綵山 風洞	二九—三三
八一	木龍洞	三三
八二	虞山 韶音洞	三三—三六
八三	桂柳道中	三六—三七
八四	柳江船中	三七—三八
八五	過大籐峽	三九—四〇
八六	過桂平	四一
八七	到梧州	四一—四四

八八	桂省公路概況	一三四—一三五
八九	中山紀念堂	一三六—一三八
九〇	梧州女警士	一三八
九一	西江船中	一三八—一三九
九二	到香港	一三九—一四〇

桂遊一月記

一 桂遊緣起

民國二十三年五月，中華書局總經理陸費伯鴻先生南來香江，以近年廣西政治改良，教育革新，進展之速，一日千里，中外觀光者，咸稱爲今日中國之模範省。特囑余赴梧公幹之餘，乘便考察桂省政治教育狀況。余以嚮者赴桂，僅到梧州，至南寧以上，足跡未經，亦樂於遊覽山川，增長聞見。原擬自港乘輪啓行，因有他事，遂於五月二十日先赴廣州，取道三水河口，轉船西上。


二 從廣州赴三水河口



五月廿一日晨，到廣州。適友人吳毓騰、胡茂菁、胡吉慶、陳君葆諸君，亦作桂遊，乃相約同行。余擬先到三水訪友，乃與君葆至西濠口，乘十一點小輪過石圍塘，以挑伏誤事，行李來遲，未能趁此輪行。有頃，行李到站，乃即乘汽車赴黃沙，轉乘十一點半小輪往石圍塘。抵廣三鐵路車站，即上頭等車。旅客無多，間有御軍服者，自由乘坐耳。車行震動，天氣酷熱。余伸首車窗外，眺望田疇景色，沿路一帶，地土饒沃，種穀類果實甚多，而遠山近水，亦饒佳趣，故不覺勞頓。二點到三水河口，出車站，入市集，而至煤油營業稅局，訪宗弟夏彝，茗談良久。四點後到車站，接毓騰、茂菁、吉慶三君，乃別夏彝，乘小艇，上江蘇輪船。時因西江水淺，港梧輪船停泊口外，艇行遲滯，同行者苦之，余轉覺泛舟中流，別饒樂趣。既而上船，梧州分局經理 臧自強，已由港乘此返梧。五時半啓棹。江蘇輪船載重約千噸，每小時約行九海里。溯江而上，峯巒聳翠，風景絕佳。余等憑舷眺望，至足樂也。

三 望鼎湖山

船行未久，過羅隱涌，遠望鼎湖，晚煙籠罩，隱約可辨。憶余去冬曾與劉東隸、黃盜廷、舍弟



梧州鸞鷲江

八九 中山紀念堂

八日早起，自強、小安來談。旋到梧州分局辦理公事。午刻，大雨傾盆，稍霽，即返旅店。胡茂菁、胡吉慶、自南寧抵梧，即由航務局科員謝樹森接其到大南酒店。聞吳毓騰尚須與黃局長赴河池、南丹、龍州、百色各處，考察鑛區。離桂之期，當在半月後也。旋與茂菁、吉慶僱汽車，環遊梧州全市，參觀中山紀念堂，堂在北山上，俯視全景，瞭然在目。灘水（即撫河）自北而南，西江自西而東，皆於梧州會流，交匯之處，水各異色，名

鼎湖山。乃由左上至數層入補山亭，有聯云：「百城煙水無雙地，五嶺歸宗第一山。」再上幾層，即慶雲寺。傍有聯文曰：「蓮華歷劫香初地，雪液飛泉譽萬峯。」四面環顧，萬山重疊，此寺將及山巔矣。余等去冬遊此，適為臘八節（舊歷十二月初八日），寺內大開戒壇，比丘僧



二 鼎湖之瀑布

尼，男女居士，來山者數百人，知客僧導至善慶堂，為余等下榻之所，陳設簡陋，帳被污穢。此堂在廚房之上，煙氣蒸騰，大不可耐。幸是夜僧衆大舉法事，余等咸在大殿參觀。夜半登樓，寒風凜冽，倦極欲眠，亦不

願一切。考鼎湖山開闢之始，在明崇禎年間，殿宇宏敞，結構雄壯，香火之盛，為嶺南諸名山之冠。余等五更即起，觀僧衆早課。旋遊飛水潭，為鼎湖絕勝之處，將至潭，有一亭，章太炎題「滌

瑕盪垢」橫額。泉聲樹影，境地清幽，行數十步，至飛水潭邊，有王典章題「蒼崖白練」石刻。四面崇山環繞，樹木陰森，仰望山巔，瀑布飛流而下，如銀河倒瀉，灌注潭中，水清見底，怪石嶙峋，參差錯落，近瀑處如雪花飛濺，水聲聒耳。若在盛夏遊此，則解衣石上，浴身水中，大有振衣千仞岡，濯足萬里流之概。民國三年甲寅十月二十二日，有黃秋心、鄧秋零二女士在此潭投水而死，遺書有「魚處水則生，人處水則死」十字。余友潘冷殘、馮秋雪、印雪等，曾有詩文哀之，詳載天荒畫集及雪堂詩聲。蓋二女士爲羈零女子，故萌厭世之念也。遊踪追憶，餘興依然，因補記之，以誌鴻爪。

四 過羚羊峽

入暮，船過羚羊峽，俗稱肇慶峽。淺山葱蘢，峭壁兀突，恍若巨靈削就，天生此峽，所以筦牂。峽江入粵之鎖鑰歟！昔漢武帝自巴蜀發夜郎兵，下牂牁江，會番禺；明廖永忠平廣西，由肇慶溯西江而抵梧州，卽取道於此也。江水湍急，奔流有聲，仰視天空，衆星朗朗，暮色四合，景物依稀，乃入餐室，與同行諸友談天。吳毓騰爲南洋怡保視學官，胡吉慶爲南洋鑛師，胡茂菁爲南

洋實業家陳君葆爲香港大學教授，均有志赴桂觀光者，余得同行，亦大佳事。船中暢談，言論自由，譁浪笑傲，淋漓痛快，真樂而忘倦也。

五 龍母誌異

同船旅客，有談悅城龍母事蹟者，頗多神話，因並誌之。其言曰：「溯肇慶峽而上，爲悅城，有龍母廟在焉。殿宇寬宏，結構壯麗，香火之盛，爲全省冠。投司祝者，須費萬金，爲悅城地方公費一大宗收入。每年夏歷五月初八日爲龍母誕辰，港澳輪船及內河拖渡，改航而往者多至數百艘，途經肇慶，皆稍停泊，俾旅客順遊七星岩風景。專僱之船，無不鼓樂喧天，笙歌徹耳，其聲遍乎「一江千頃波，兩岸萬重山」之間。時維五月，三峽倒流，洪濤最漲，俗稱龍舟水，惟不聞有沉舟事發生，斯亦奇矣。凡往悅城進香者，戒食鯉魚，犯之腹痛，卽往來此地者，亦相戒不敢誤食，或謂鯉躍禹門而成龍，故龍可化爲鯉，龍鯉同其類也。有清末葉，廟宇重修，迎神建醮，梨園歌舞，熱鬧倍常，一時不戒於火，致召焚如，而廟宇內外，無絲毫波及，亦無傷斃人命，誠不可思議者也。相傳龍母在處女時，偶見有小青蛇七尾，游泳江干，愛而納之籠中，歸家豢養。一

日風雨大作，居民震恐，忽霹靂一聲，羣蛇盡化爲龍，騰空飛去，地方賴安，因立廟而祀焉。其後凡往來船舶經此，稍侮慢不敬，罔不顛覆。而肇慶峽爲西江匯流之所，水漲流急，時極危險，溯江而上，以至桂林，過三百餘灘，其危險情狀，不可形容，大有非藉神力不能安然渡過。考南越志載：『昔有溫氏媪，居澗中，捕魚自給，忽於水邊見一卵，大如斗，拾歸，十日許，有物如守宮，穿卵而出，長尺許，自小至長，能入水代媪捕魚，媪治魚，誤斷其尾，逡巡而去，數年還，媪見其輝光炳耀，謂之曰：「龍子，今復來耶！」親馴如初。始皇帝聞之，以元珪禮聘媪，媪戀故土，不以爲樂，至始興江，去端溪千餘里，龍輒引舟還，不踰夕，至本所，如此數四，來者懼而止，不能召媪。媪殞，瘞於江陰，龍子常爲大波，至墓側，縈浪轉沙，以成墳，人謂之「掘尾龍」。』寰宇記：『墓舊在江南岸，一夕龍子移於江北，有廟曰「孝通」。』兩說未知孰是，而證以過此者戒食鯉，鯉龍同類相感，且曾代媪捕魚爲業，則後說近是矣。

六 入梧手續

廿二日，早餐後，船員攜來梧州商埠公安局檢查入口旅客報告表，着各客照填，此表爲

三聯單式，其中列明旅客姓名、性別、年齡、職業，乘車船馬或徒步，由何處來，來梧事由，到梧住處，有無槍械，附記年月日等格。由旅客自填清楚，以乙丙兩聯單繳還船員，轉交檢查人員，甲聯單由旅客隨帶在身，以備投宿或出口時繳驗之用。此入梧之手續，所以嚴防奸宄。余等去冬來梧，已有此例，外間傳聞梧州檢查旅客，非常嚴重，如來歷不明，須覓舖保，始准登岸，似近滋擾，實是譚言。語云：「耳聞不如目見，」洵爲不刊之論。公安局每日有進出口人數之報告，每月有旅客之統計，檢查至便也。

七 到梧州

同船有廣西省立第一高中學校校長雷榮珂，爲教育廳長雷賓南（沛鴻）之宗人，同倚船舷，暢談甚快。未幾遙望鷄籠洲，矗立江中，有如野鶩輕鷗，浮沉波際。去冬遊梧，曾攝影多片，風景絕美。十時半，輪聲緩緩，安抵梧州。廣西工商局駐梧辦事處派盧君來迎。蓋工商局局長楊綽庵適赴粵公幹，知余等來，先電梧辦事處派人照應也。余等聯袂登岸，卽至大中路中華書局稍憩。



圖三 梧州街道

梧州形勢，依山爲城，面臨西江，屋宇連雲，閭閻撲地，或結廬山麓，或設肆水濱。其船舶所泊之處曰筏，以數木船橫排之，上架以木，築成樓屋，維以鐵纜，隨流高低，由筏至岸，架板爲橋，連亘數十丈，西江各埠碼頭多類此。梧州未通商之前，市廛古樸，自前清光緒二十三年中英緬甸條約開爲商埠後，洋樓高聳，上矗層霄，船舶往來，絡繹不絕。蓋其地當潯桂兩江之衝，下通粵港，上接滇黔，百貨之轉輸，悉以此爲樞紐，故成商業重要口岸。惟際此世界不景氣恐慌中，梧州商場，頗形冷淡，是亦大勢使然耳。

梧州公安局與航政局，對於旅店輪船汽車挑伕，取締頗爲得法。旅店宿膳，皆有一定之租價，汽車挑伕亦然。輪船則劃定牀位，規定票價，貨艙容量，不得過額。旅客下船後，所有行李，須經檢查，即可自由行動。桂省政治，可見一斑。

梧州全埠人口，最盛時爲十二三萬，現在減少半數以上。蓋梧市商民，多數粵籍，近以商場冷落，商民無業可營，相率離梧，另謀生活，亦有視軍訓義務爲畏途，藉故他去，以圖規避，人口遂大銳減。至生活程度，米價較香港爲貴，肉類蔬類則比香港爲廉。若洋貨入口，則海關正稅而外，又有餉捐局徵稅，故船舶抵岸，海關及餉捐局同時上船，分頭檢查，亦可異也。

梧州名勝古蹟有八景：卽桂江春泛（撫河）、雲嶺晴嵐、龍洲砥峙、鶴江返照、金牛夜渡、鱷池漾月、火山夕焰、冰井泉香（東門外有冰井寺）是也。其他風景尙多，俟歸途再經梧州時，如有暇餘，當再遊覽。

八 廣西大學校

此次到梧，以時間匆匆，未及參觀廣西大學。憶余去冬與劉東隸及子展弟遊梧，曾訪校



圖四 廣西大學遠望梧州江岸

長馬君武博士，適馬校長患病，邀入臥室暢談，並派庶務某君，引導參觀，教員潘永照，招待一切。校內狀況，依稀可記。校址在梧州對河蝴蝶山，佔山半座，面積廣闊，風景至佳。創辦於民國十七年，開辦一年，因政局變亂，便爾停辦，至二十年夏，省局統一，重新恢復。現設工科、理科、農科。男生五百餘，女生三十餘，以本省人爲多，間亦有外省者。教員四十餘人，月支二萬餘圓，全年支出約二十八萬餘圓，連修理添置費約三十萬圓，共五十八萬餘圓。校風儉樸，軍訓嚴厲，學生服裝，與普通士兵無異。廣西所急切需要者，爲農、工、理三科人才，今

大學先設此三科，誠能知所先務，竊以爲吾國大學校，固應積極改善，養成實科人才，以應全國需要；而中校亦應澈底改良，注重職業知識及技能，使中學畢業後，如無力升學，即可謀生。否則中學畢業後，欲升學則經濟無力，或程度不足，不升學則謀生無法，游手賦閑，反不若未嘗入學者，尚可操作勞動。最近聞廣西大學增設鑛冶專修科一班，兩年畢業，須在高中畢業者，方能投考。蓋廣西現當發展鑛業之際，亟應養成鑛冶人材，以應實際上之需要，亦注重實科也。

九 兩廣硫酸廠

馬校長兼任兩廣硫酸廠廠長，去冬遊梧時，承約參觀，故與劉東駿、子展弟聯袂往遊。該廠成立於民國十八年，所用原料，是廣東英德出產之磺鐵礦，每日可化鑛五噸，製出硫酸七噸，主要銷場，全在廣州。蓋廣州一埠，每日需用硫酸四十噸，可見國產求過於供，但余去冬參觀時，該廠尚在停工中，祇得參觀廠內各種機器而已。考其停工原因，硫酸廠產品運銷廣州，多爲提供煉製火油之用，現在廣州土製火油廠，因外商公司之傾銷而停閉，則硫酸自然亦

無銷路；且硫酸廠雖是兩廣合辦，但聞廣東兵工廠所需用之硫酸，似非用該廠產品，而是向某國採買，因某國硫酸較之梧州硫酸價錢稍廉。然硫酸廠對於廣州，實行傾銷政策，例如硫酸在廣州祇售廿二三圓一箱，在梧州則要廿七八圓一箱。（近經梧州火油公司要求，始減為廿四圓一箱。）但廣州火油失敗，硫酸根本無銷路，祇有出於關門之一途。現在事隔半年，仍未聞復工消息，甚可感慨！查廣西建設特刊所載：「硫酸廠專門製造硫酸及硝酸，兼任廠長一人，專任工程師一人，職員十六人，工役九十人，經費由省府發給，每月薪俸六千圓，每月辦公費一千一百五十圓，每年事業費二萬二千二百五十圓。」此乃未停工以前之統計，爰併誌之。

十 從戎圩首途

余等在中華書局茗談後，吳毓騰急於赴南甯，乃托工商局盧君代僱汽車。余以梧州風景，嚮嘗遊覽，故在分局略談業務，亦即同行。先到江邊，乘新民德電船過戎圩，船小客多，暑氣薰蒸，而售藥者大聲疾呼，喧聒耳鼓。行二小時，乃到戎圩，此圩為著名穀米市場，每當秋收之

後，圩中舖戶，收買穀米，多者三四千擔，少者亦千餘擔，普通價格，每擔百觔，值四五圓，如遇春荒，則漲至八九圓，鄉村農民，又不得不照此高價，從商人手中買來，結果還是農人吃虧。蓋梧州所屬（蒼梧縣），佃農多於自耕農，地主之土地多於農民自有之土地，每年收入數萬擔穀租之地主，不可勝數。余等步行至戎圩車站，盧君所僱廣聯和長途汽車二輛，尙未准備，俟良久，二點五十分始行。余與吳毓騰、胡茂菁、胡吉慶、陳君葆同一輛，梧州分局同事黎宜坤攜帶各人行李乘一輛。廣聯和長途汽車，即廣益聯合和益三汽車公司合組營業。每日上午七時起，連續開車，往來戎圩、容縣、北流、鬱林各站，亦有包車往南甯、柳州、桂林各埠，其價格大車每十里每位收車費二毫二仙，小車每十里每位收車費二毫六仙，貨脚每百觔每十里收一毫四仙，行李每百觔每十里收一毫六仙。余等包小車二輛，由戎圩直至南甯，每輛桂幣（俗稱西毫）一百四十四圓六毫。沿途岡巒突兀，山路高低，經藤縣之糯洞，及岑溪縣，而至南甯，渡過小河，再至容縣，渡繡江，以木船載汽車而渡。此水南自廣東高州，北至北流，合大容山東南水，經容縣而注於鬱林。時已七點二十分，夕陽西下，暮色四合，乃到南街，投宿容安旅館。

十一 到容縣

從戎圩到此三百里，汽車行四點三十分，原定至鬱林歇宿，恐山路崎嶇，夜行未便，乃止。於是吾人在車上顛簸，倍覺勞頓，沐浴休息，晚膳未進，適有售豆腐花者，乃購而食之，各盡數碗，極爲精美，真勝醴泉甘露。未幾進膳，肴饌雖非精品，亦屬可口，且價不昂。飯罷各自整理牀鋪，牀以木板二張，橫架橙上，蕨帳草蓆，污穢不堪，枕爲木塊削成，余等自攜洋毯枕巾牀布，卽以巾蓋木枕，布鋪草蓆，不須垂帳，燃香以驅蚊。內地旅店，簡陋多類此，然每人每天房租兩圓，其價亦不廉。

容縣風景，惜在夜深，未能瀏覽。容縣爲產柚子著名之地，所謂沙田柚者是也。桂省要人，如黃季寬、黃旭初、伍廷黈諸氏，皆容縣人，而廣西華僑最多之地，亦推容縣。因人衆地稀，故出外謀生者多。彼等多赴南洋作工，每年匯款回家達一二百萬。近年柚子出產及輸出量數，大不如前。蓋容縣人士，供職軍政界者日多，種柚子者遂日減少，所以特產業因而發生妨礙。至於華僑匯款，因世界經濟恐慌，南洋華僑失業回國，不知凡幾，故容縣失業華僑返鄉者，亦

有三萬人。匯款數額，當民國十六七年時，年達三百萬圓，今則減少至一百餘萬圓，更不堪設想。容縣土地，向來特別集中，全縣人口約有百分之九十爲佃農。最大富戶兼地主，多爲伍黃二姓。但近來分利者多，生利者少，亦屬入不敷出，可知地主階級，亦日趨沒落之途徑矣。

十二 從容縣啓行

廿三日侵晨起床，準備出發，六時半啓行，沿途平原，石峯矗立，田稻茂盛，風景清幽。七時卅分過北流縣城，自戎圩至此三百六十里。城垣塗寫標語，爲「寓將於學寓兵於團」八字，面積廣大，遠近注目。有小學生十餘人，聯翩上學，精神活潑。過此爲商辦公路，名北鬱車路，車輛經此，須納路費，此路平坦，廣約四丈，沿途平原，岡陵起伏，遍植松樹。農民日出而作，田事正忙，村落民居，類多土屋，殆所謂茅茨土階者歟！將至鬱林，荒郊曠場，民團正在操練中，步法整齊，精神甚盛。八點過鬱林，乃就食於城外小飯店焉。

十三 過鬱林

自戎圩至鬱林，凡四百二十里。余等抵此，原擬入城，訪大同書局經理陳曉舟，以為時尙早，且匆匆趕程，故中止，即就小飯店進食，點菜六味，連粥飯茶水，僅費一圓餘，亦不昂也。

鬱林爲鬱林、博白、北流、陸川、興業五屬商業之中心。陸路交通，有公路；水道則有南運河，直達廣東北海。聞鬱林土布業，自九一八以後，頗爲發達，每家皆有一二架布機，其與桂林土布業最不同者，桂林大都僱傭工人，爲家庭工廠性質；鬱林則爲農家副業，農暇始織，農忙便停，全是家庭婦女工作，極少僱用工人。現在統計織戶約一千餘家，織機約二千架，每年織布約二十萬疋。當九一八以前，鬱林布疋市場，幾爲劣貨所獨占，亦有一部份是廣東土布，自近年鬱林土布勃興，劣貨當然絕迹，佛山土布，亦就式微。鬱林土布，更有運銷至雲南、貴州邊界者，是亦提倡土貨之毅力也。

鬱林船埠，爲通廣東北海之樞紐，亦爲米鹽聚散之所。鬱林一帶之米，經由船埠運銷廣東，而鹽則自粵之欽廉，經由船埠入桂，故鬱林亦爲商人資本最活動之地也。

自鬱林啓行，爲貴、興、鬱車路，亦屬商辦。沿途稻田連亘，民居亦多土屋，山溪水急，自上直流，宛如瀑布。九時廿五分過興業城，遠望洋樓數座，時適大雨，氣候驟涼。廣西公路，雖交通利

便，然脚踏車（俗稱單車）甚鮮，昨日自戎圩至此，僅見四五乘。過湛江，天始晴，途中村民負荷柴、米、蔬菜、米粉、篾器、豬、雞等，絡繹不絕，想是趁貴縣墟場內地三日一墟，亦猶古之日中爲市交易而退之俗。村人以雙竹槓檣豬，如檣肩輿。行人往來，多乘小馬，亦有以馬負重，人隨馬行。十時過橋圩，有小馬繫於民居前，見汽車來，狂奔入屋。余笑曰：「馬向屋裏跑。」君葆即答曰：「人在車中眠。」余回顧茂菁、吉慶，瞌睡正酣，故君葆以此爲對，亦一趣話。途中所見曠場廣闊，全屬荒地，一望無盡，大石起伏，形狀不一，有如人物禽獸之象形。車行十分鐘始過，蓋乏水灌溉，悉成荒廢。廣西河流非少，特岸高水不能及，故整頓水利爲不容緩。十一時過羅泊灣，木船載汽車而渡，水逆行緩，人立船上，暑熱薰蒸，汗流如注，船行二十分，始達對岸。江邊積石，中夾黑色，是爲燧石（俗稱火石），蓋擊石可取火。登岸復行，十一時三十分已到貴縣。城垣標語，有「寧爲救國死，不作亡國奴」十字，語意甚壯。余等乃在茶寮購汽水以止渴，並稍憩焉。

十四 過貴縣

貴縣位處西江中游，乃邕梧水陸交通必經之道，距戎圩六百二十五里，除邕梧快輪由

此經過外，尚有拖渡多艘，航行貴梧之間，故貴縣在航運上爲一重要轉運碼頭。附近各縣貨物，集中於此，運銷梧州。由梧運來貨物，亦經貴縣而分散內地。貴縣是產糖著名區域，牲口運出亦不少，故貴縣金融特別活動，又成爲出超之縣份，在廣西各縣中亦不多見也。

貴縣離城約半里，地名南江，亂石如林，有龍眼泉，又四里有南山，連亘廿四峯，跨越甚廣，上有南山寺，相傳明建文帝曾遜跡此寺，碑刻「南山寺」三字，爲帝手蹟。又城外有東湖，波光澄澹，蘇子瞻曾遊於此。惜余匆匆車行，未及遊覽，至爲憾事！十一時十分復行，至此爲廣西政府公路，水多路壞，正在修理中。四圍皆山，惟高峯各不相連，均從平地突起，此爲桂省山形之特徵。田疇連亘，農事甚忙。十二時過覃塘，沿途多種玉蜀黍。過黃練有第一市場，古樹成林，濃蔭如蓋。十二時五十分過黎塘，公路不平，汽車搖蕩。時適大雨，車漏機壞，不能行動，司機修理多時，不得要領。胡吉慶謂是雨水漏入，滲雜汽油，致礙燃燒，乃代司機，將車倒行，鼓動汽力，然後前駛。蓋胡君爲鑛師兼機器師，曾在美國福特汽車廠任事八年，富有經驗者也。是時車因路滑，行駛稍緩，二時過賓陽，稍停息焉。

十五 翼王亭

貴縣中山公園有翼王亭，以紀念石達開者，因匆匆趕程，未及遊覽，然其事蹟，不可以不誌之。考太平天國歷史：「石達開爲貴縣人，能詩，素有大志。清咸豐間，從洪秀全由廣西桂平縣金田村起義，直搗武漢，克復金陵，封爲翼王。斯時滿清政府岌岌可危，還我河山，指顧間事乃南都新定，貴倖高張，天王衰病倦勤，羣小益無忌憚。自北王韋昌輝殺東王楊秀清後，將不利於翼王，乃遁之江西，入湖南，遣黨分擾滇黔，皆不得志，復渡金沙江，擬由邊地入四川，至大渡河，孤軍援絕，爲川軍所敗，勢窮被執，見殺於成都。」但聞清末蜀中父老相傳：「翼王在川南大渡河兵敗，並未至死，當時川督駱秉璋所擒以報功者，實一贗翼王耳。」又傳說：「清光緒初年，巫峽渡口，有鶴髮童顏老叟，健步如飛，前來過渡，舟達對岸，匆匆即去，遺一巨傘於舟內，傘柄爲鐵製，微露翼王二字，舟人正審視間，老叟踉蹌忽返，持傘疾馳而去。」以上兩說，似屬無稽，姑妄聽之。又閱某筆記：「翼王率師入川，於武漢得一流落女子，詢其身世，出自宦裔，且通文墨，遂撫爲義女，令軍中悉呼爲三姑娘。女佐王籌劃機務，皆中肯綮，而治軍書，尤倚馬

可待。王愛如己出，爲之擇配。軍中多英俊之士，均無一當意者。嗣見書記某生，才貌平凡，年事亦高，惟狀貌頗肖王，女竟屬意焉。洎王兵敗，女知事不可爲，謀脫王於難，顧生曰：「王待君至厚，欲報之德，此其時矣。」乃以生改王裝，效紀信代漢高故事，替王一死，王得以身免。」以此紀載，證諸父老傳說，似言之有因。總之翼王結果，無論如何，而其民族革命思想，已深入民間，其偉大革命之精神人格，洵足爲中華民族之楷模。余少時嘗讀翼王詩，有云：「揚鞭慷慨蒞中原，不爲讐仇不爲恩。祇覺蒼天方憤憤，莫憑赤手拯元元。三年攬轡悲羸馬，萬衆棲山似病猿。我志未酬人亦苦，東南到處有啼痕。」亦可想見其爲人。聞李宗仁、白崇禧正副總司令，黃旭初主席，爲表彰先烈起見，特在貴縣中山公園建翼王亭，以示景仰，而垂紀念，洵足以激勵民族革命之精神也。

十六 過賓陽

自貴縣至賓陽，凡二百二十里，由戎圩至此，則八百四十五里矣。賓陽爲廣西手工藝區，亦著名出產瓷器之地。蓋地少人多，居民都從事手工藝，以維持生活；且人民富於模仿性，故

有小東洋之稱，如毡帽、噫帽、銅鐵器、帳鉤、兒童玩器，均能模仿，即盒子炮（俗稱駁殼槍）亦可仿造。每有一村人民，從事一種手工業，即此種手工業，成爲該村特產品，如方村之燈心帶，石坎村之紙扇，粟村之日用小鐵器，王謝村之泥箕燈繩，大莊村之雨帽，孟村之蓆子，石村之碓子，上寨村之梳篦，羅村之筆，東路蒙村之手袖，楊村之噫帽，東海村之牙刷。彼等終年從事一種工藝，製成之後，挑赴圩場發售。

余等二點二十分自賓陽行，雨後山色，雲氣迷濛，別饒美觀，惟道路泥濘，車行搖動耳。未幾過蘆圩，屬賓陽縣離城十里之一市鎮，爲廣西四大圩場之一。三日一市，不特爲賓陽出入口貨集中之地，亦爲賓陽附近各縣商品貿易之總匯。在圩期之日，手工業者，停止工作，將製成品挑到蘆圩，萬頭攢動，人聲沸騰，下午散圩，復歸寂靜，足見內地商業，尙留在集市制度上。且手工業亦兼遊行商販，此種組織，在大都市所不易見也。

十七 賓陽瓷業概況

賓陽瓷器，亦頗著名，傳聞有八十餘年歷史。最初發現於老窰村，後有江西人從軍雲貴，

道經賓陽，資斧告罄，輾轉至老窰村工作，即發現白釉石，其後潞思村江姓，派人赴江西景德，湖南醴陵，考察製法，研究顏料，遂大有改良。前年七月，建設廳聘請技士，開始調查，試驗瓷質，以老窰泥質僅次於江西，而優於上海，於是撥銀四百圓，以資獎勵。本地窰戶乃集資二千圓，又向建設廳借款四千圓，遂成立新瓷廠，現歸工商局辦理，所製瓷器，較土法爲優良，蓋全仿江西瓷而改良者。聞工商局計劃，目前改良賓陽瓷器之宗旨，不敢與江西瓷或舶來品競爭，祇望在省內市場奪回位置，如將賓陽瓷提倡，則廣西亦可塞一部份之漏卮。現在除新瓷廠外，尚有三百餘窰戶，二十餘座窰，每年出產瓷器，約達十五六萬元。每窰九節，首尾兩節燒空，有七節可載物，故往往有幾家合用一窰，此亦生產工具也。

十八 崑崙關

離蘆圩後，車行未久，即至馬嶺。入山谷中，村落散布，人家三五，峯巒環抱，山徑紆迴，形勢險要，地名崑崙關，即宋狄青大破儂智高處，今僅存一破關門耳。考宋史：「狄青，西河人，字漢臣，善騎射，折節讀書，精通兵法，爲人慎密寡言，尤喜推功將佐。仁宗時，西夏叛，青爲延州指使，

臨敵被髮戴銅面具，敵望之如神。後宣撫荆湖南北路，經制廣南盜賊事，時廣源州蠻人儂智高，襲安德州，據廣南，攻邕州，建國曰大南。宋皇祐五年，青駐賓州，值上元節，張燈設宴，三鼓以奇兵奪崑崙關，一晝夜破賊於邕州，智高走大理，廣南平。後智高死於大理，函首京師。青還至京師，拜樞密使，卒贈中書令，諡武襄。觀於此，則崑崙關爲歷史上之古蹟可知矣。聞狄青部曲所遺子孫，聚居南寧者，爲數甚多，均崇祀狄武襄祠云。三時三十分過八塘，地勢高峻，紆迴曲折，有民團守衛。四時下山坡，行平原，過五塘、四塘、二塘，沿途岡上有小棚，豎一藍地白字旂，二人荷鎗瞭望。路上土人，多背負葫蘆，用以載水，或乘小馬，載重而行。五時三十分到南寧。有軍隊檢查，並詢姓名職業，由何處來，到邕住處等項，乃照告之，由其自填。旋赴南寧酒店。

十九 到南寧

吳毓騰以電話告知鑛務局局長黃榮華，有頃，黃局長偕其夫人關彩琪女士，同來旅舍。黃局長爲廣東開平人，生長墨西哥，其夫人亦開平人，生長西雅圖，夫婦同是美國留學生。黃局長御灰布制服，黑布鞋，體魄健碩，精神活潑，其夫人亦御灰布旂袍，黑布履，一望而知爲刻

苦勤樸之實行家，與養尊處優之官僚，有天壤之別。黃局長約余等下榻於其公館，余以別有任務，旅舍爲便，婉詞却之。乃由毓騰、茂菁、吉慶三君遷入黃局長公館，余與君葆、宜坤同住南寧酒店。梧州分局職員曾國正，即來晤談，乃同進晚膳，沐浴更衣，整理一切。

自戎圩至南寧，凡一千一百一十里。南寧現爲邕寧縣治，亦廣西省會所在，原爲桂省西南重鎮，近以國防關係，尤具控馭之勢，南出欽廉，西通龍鎮，東連潯梧，北接柳慶，形勢固極重要。聞省會有遷柳州之說，是否永置於此，尙難確定，然舍此似無更適中之地。三年前人口爲六萬，現在則增至八萬餘，蓋軍政機關增設多，則公務人員及其家屬亦多，故有此數。人民生活狀況，與梧州大致相同。金融方面，桂幣價格，十足通用，但國幣大洋一圓，兌換桂幣一圓三角五分，或換西毫（廣西角子）一圓二角五分，粵幣（廣東省行紙幣）及東毫（廣東毫子），亦可通用，若以港幣兌換，則港銀一圓，可兌桂幣一圓五角餘，但匯水漲落不一，故時價每日不同耳。

南寧有新八景：即邕江泛棹（城西南），趣園尋芳（商埠三馬路後四時花木均備），望仙瞰城（城北三里），馬退遠眺（城北六里），羅峯曉霞（城東北二十里），津頭觀釣

（城南四里），象嶺烟嵐（城西南十里），崑崙覽勝（城東北八十里）是也。又青秀山八景，即泰青遠眺，滄秀觀瀾，山房夜月，沙浦漁燈，夕陽塔影（龍象塔），子夜秋風，江帆破浪，涼閣聽泉（城東南二十里）是也。其他名勝古蹟尚多，未悉駐邕久暫，有無餘暇暢遊耳。

南寧酒店後臨邕江，余所住室，亦靠江邊。夜間憑窗俯視，船舶灣泊，排列成陣，對岸燈光，若明若滅。遠望邕城燈火，輝煌燦爛，播音臺電杆，矗立如雙炬，月明如水，夜靜不濤，萬景皆清，九霄俱淨，如斯夜景，其輞川圖畫耶！不知誰爲風月主也。時復和風入戶，靜夜生涼，余與君葆，樂而忘倦。

二十 政府當局之訪問

廿四日黎明即起，開窗眺望，江岸行人，往來如鯽，工作甚忙，蓋每晨五時，天明炮一放，全城震動，士農工商軍政各界均起，此真可爲全國模範者也。南寧無人力車及馬車，至私家汽車除政府機關外，亦不多見。汽車公司多走長途，如在市內路遠欲乘汽車者，亦可僱長途小車代之。七時，余僱小汽車，與君葆、國正同赴省政府合署，地方宏敞，結構堂皇，聞前年始落成。

者，建築費數十萬圓。省政府所屬各廳各局，均聯合辦公，改革號房，傳達舊制，特設招待處，以便來賓訪見及查詢。余即投刺先訪教育廳秘書諸子方、科長李乃濬，晤談良久。次訪廳長雷賓南，即承接見，暢談廣西教育情形。雷廳長為美國留學生，虛懷若谷，有學者風，絕無官僚氣習。對於中華書局出版書籍，討論甚詳。隨到鑛務局訪局長黃榮華，適毓騰、茂菁、吉慶在座，廳事陳設，頗近歐化。鑛務局原係建設廳，自本年五月一日，經濟委員會成立，改為鑛務局，與農林、公路、工商、航政各局，均屬經濟委員會。廳長黃榮華改任經濟委員會委員兼鑛務局長，承黃局長導觀辦公廳，人各一桌，秩序整齊，恍如學校課室。據云：公務人員，均受軍事訓練，六時辦公，十時休息，下午一時辦公，五時休息，鳴鐘為號，又如學校之上課散課。公務人員，一律灰布制服，布帽布鞋，刻苦耐勞，難能可貴。余擬到工商局訪局長楊綽庵，蓋楊局長閩侯人，為余舊交，曩在廈門，時相過從，適粵未回，故未獲晤。黃局長見贈廣西鑛產農林作物分布圖，記載詳明，可供參考，乃興辭而歸。黃局長飭汽車送至南寧酒店。

二二 桂省政府合署組織大綱

桂省政府爲期辦事敏捷節省經費人力時間及增大行政效率起見，經於本年元旦，將所屬各廳處合署辦公，迄今半年，考察實際經費人力時間，均有相當節省，行政效率，亦有增大。爰依據實際之需要，修正組織大綱，茲附錄如左：

- 第一條 廣西政府隸屬於國民政府綜理全省政務
- 第二條 廣西政府設主席一人行使省政府職權
- 第三條 廣西省政府設委員九人至十一人組織省政府委員會
- 第四條 有立法性質之事項須經省政府委員會之議決
- 第五條 省政府主席召集省政府委員會於開會時爲主席
- 第六條 廣西省政府設秘書長一人得以省政府委員兼任承主席之命處理一切事務
- 第七條 廣西省政府設總務處民政廳財政廳教育廳經濟委員會
- 第八條 各處廳設處廳長一人得由省政府委員會兼任承主席之命綜理主管事務
- 第九條 經濟委員會設委員二人至七人並推定一人爲委員長
- 第十條 各處廳辦理各種政務概經主席核定以省政府名義由主席署名行之

第十一條 各處廳依事務之繁簡酌設秘書若干人承長官之命辦理機要及指派事務

第十二條 各處廳得設科分掌事務其數額視事之繁簡定之

第十三條 總務處設第一第二第三第四科

第一科之職掌如左一關於銓叙獎懲撫卹褒揚事項二關於公務員考試任免審查登記事項

第二科之職掌如左一關於交際事項二關於文電之收發繙譯繕校及檔案圖書之保管事項三關於

印信之典守及鈐用事項四關於公共建築工程事項五關於編輯事項六關於宣傳事項七其他不屬

於各廳處科之事項

第三科之職掌如左一關於省政府委員會會議事項二關於與外交有關事項三關於與司法有關事
項

第四科之職掌如左一關於本府經費出納預算決算及會計事項二關於本府庶務事項三關於各項
票照印花證券之印製編號保管核發登記事項四關於本府物品之出納保管事項

第十四條 民政廳設第一第二第三第四科

第一科之職掌如左一關於地方行政區域之劃定及變更事項二關於地方行政事項三關於縣區鄉

(鎮)村(街)工作及人員之考核事項四關於各區縣行政督察及審核事項五關於移民墾殖事項
第二科之職掌如左一關於市政及善政事項二關於公用事業事項三關於綏靖及民團事項四關於古蹟名勝之保護事項

第三科之職掌如左一關於國籍僑務事項二關於區鄉(鎮)村(街)甲之組織及整理事項三關於核定區鄉(鎮)村(街)經費事項四關於戶籍人事登記事項五關於區鄉(鎮)村(街)選舉事項

第四科之職掌如左一關於公共衛生事項二關於禁烟及禁賭事項三關於賑災及其他社會救濟事項四關於禮俗宗教及其他社會與革命事項

第十五條 財政廳設第一第二第三第四第五科

第一科之職掌如左一關於國稅事項

第二科之職掌如左一關於省稅事項二關於省縣金庫事項三關於官產事項四關於監督整理縣地方財務事項五關於田畝清丈之指揮監督事項

第三科之職掌如左一關於國庫支出經臨兩費之撥發事項

第四科之職掌如左一關於公債事項二關於歲入歲出預算決算之編定事項

第五科之職掌如左一關於禁烟罰金事項

第十六條 教育廳設第一第二第三科

第一科之職掌如左一關於高等教育事項二關於留學事項三關於教育學術團體事項四關於獎進科學及其他文化事項

第二科之職掌如左一關於中等教育事項二關於職業事項三關於童子軍訓練事項四關於學校軍事訓練事項

第三科之職掌如左一關於地方教育行政事項二關於國民基礎教育及幼稚教育事項三關於社會教育事項

第十七條 經濟委員會之職掌如左一關於本省經濟建設之設計及監察事項二核定本省經濟建設之應頒經費事項三審定本省財政改革方案四審定本省軍政費支出預算之原則五審定其他與經濟財政發生重大關係之一切事項六關於經濟糾紛之調解事項七關於農林漁務工商交通之行政事項

第十八條 總務處及經濟委員會因事務之必要得設技正技士技佐各若干人

第十九條 經濟委員會設計監察兩處各設主任一人承長官之命辦理各該管事務

第二十條 財政廳設會計主任一人會計員若干人辦理國省兩庫支出經費之核銷及省內各機關之屬於審計

事務

第廿一條 處廳各科設科長一人承長官之命指揮督率本科職員辦理主管事務

第廿二條 處廳各科得分設辦事視事務之繁簡分設科員辦事員各若干人承長官之命分辦本科事務各設設

主任一人由處廳長於科員中遴選請主席指定之

第廿三條 廣西省政府因繕寫文件及其他特項事務得酌用僱員若干人由總務處支配管理

第廿四條 廣西省政府按處廳會職務需要得設視察設計督學編審等專員

第廿五條 廣西省政府為考查督促各屬政務得設行政監督

第廿六條 廣西省政府得設各種委員會辦理指定事務

第廿七條 廣西省政府得聘用顧問參議諮議參贊政務

第廿八條 廣西省政府專設化學試驗所辦理一切化驗事宜其組織章程另定之

第廿九條 廣西省政府專設水利工程處辦理水利設計工程事宜其組織章程另定之

第三十條 各處廳會辦事細則另定之

第卅一條 本大綱自二十三年七月一日施行

二二一 南寧旅客檢查之公佈

午膳既罷，披閱民國日報見南寧檢查旅客，每日均有報告，每月亦有統計。余等昨日抵此，查昨日報告入口旅客：由陸路者，男七十三人，女十九人；由水路者，男七十一人，女二十九人，共一百九十二人。出口旅客由陸路者，男十四人，女無人；由水路者無人，共十四人。其檢查可謂週密。至上月（即四月份）旅客統計，由省會公安局調查製表報告，計全市旅館六十六家，旅客男一萬零二百四十六人，女七百二十一人。旅客年齡比較：十六歲以下，四百八十二人；十六至二十五歲，三千一百零九人；二十六至三十五歲，三千五百零一人；三十六至五十歲，三千一百一十人；五十一以上七百六十五人。旅客職業種類：工八百五十人；商六千八百五十一人；農一千四百零九人；學七百十人；政四百十人；軍七百三十七人。旅客中求事者：工一百三十一人；商一百零三人；農三十一人；學六十七人；政八十人；軍八十九人；共五百零一人。旅客之籍貫：本省九百八十一人；粵九百二十九人；湘五十一人；鄂十五人；滇四十二人；浙九人；蘇十四人；皖九人；冀五人；贛十三人；閩六人；川四人；晉二人。旅客居住時間之久暫：一

月以上五十七人；二月以上四十九人；三月以上十六人；半年以上十三人，其統計亦極精細，因併錄之，以見一斑。然旅客中求事者，達五百餘人，其非寓旅店者，尙難稽考，亦可見求事之艱難也。

二三 桂省公務人員之軍訓

下午，三管圖書局經理韋洽羣、楊一悟來訪，暢敘甚懽。韋君任民政廳視察，楊君任本市餉捐局，均御制服。據說：「桂省政府提倡儉樸，實行軍訓，公務人員自廳長以下，每晨五時，軍事訓練，總副司令及省府主席，常到指揮，故公務人員一律着制服。」（即俗稱企領中山裝）制帽制服，均以灰布爲之，惟所穿布鞋，則白底黑面，而於足背加一橫帶以繫之，頗似女裝布鞋。余以爲布服固佳，布鞋則不宜，雖曰儉樸，但布鞋質薄，日日軍訓，必不耐用，尤不能受雨濕，若時時更新，反不經濟矣。聞當軍訓施行之初，當局曾加考慮，以此法施諸民衆，不難，惟公務人員能否紆尊降貴，不避勞苦，而聽命於校尉教官之下，似有可慮，乃召集有衆，設爲喻言。略謂：「國家多難，軍訓爲應付一切所需要，公務員須努力求知，勿以位尊而自驕，勿以畏勞

而避訓，譬諸舞台，其班中台柱，平時睥睨一切，而有時亦卑躬屈節泥首於末角之前，此無他，劇情如是，實有不能以高凌下以私廢公者也。一喻切而當，衆不敢有異議，現亦習慣成爲自然矣。至普通人民，亦有着灰布中山裝制服者，惟不必戴制帽，但以短衣爲多，若長衫及西裝，殊不多見，足見提倡儉樸，自上倡起，當易風行。韋君又說：「南寧地方衝要，現在公路可達貴州貴陽，故貴州書業同行，亦有到南寧採辦圖書者。」可見交通便利，形勢爲之轉移也。韋楊二君去後，余與君葆卽景唱和，吟興所至，隨手寫成，彼此均不願示人，乃悉棄諸紙籠中，相視而笑。

二四 南寧市區

黃局長夫人與毓騰、茂菁、吉慶乘汽車來，約余與君葆同遊市區。南寧設省後，卽極力整理，乃於民十九年備遭兵禍，元氣傷殘。自恢復以來，積極建設，且勞來得法，故街道甚形整潔，商業亦漸繁榮。余等先遊市內馬路，乃出城門，尙在拆築馬路中，旋至車站，過北門，向西行，路窄不平，車行震動，附郭民居，恍如村落。再過特別區，爲烟賭妓院集合之所，區臨小河，有新鐵

橋一度以通之。除該區外，市內各處，皆不得有妓院賭場煙館，以示限制。聞由邕寧縣政府另組織建築特別區委員會，所有收用土地建築賭娼煙館及橋路等，共計十餘萬圓之鉅，其管理主權屬於縣政府，設置辦事處，委派管理員二人，並由公安局於區內設置警察分駐所，一切經費，由賭館煙館妓院承租人平均負擔，經奉省政府批准，並以特別區名稱，與區鄉鎮村街之區字混淆，着改為特察里云。旋出郊外，赴農林試驗場育苗圃，途中公路，崎嶇不平，行約十里，有長橋中斷，橋以磚爲礎，上架木板，聞去年有長途汽車，載客過重，駛至橋中，木板壓斷，車墜河中，死十九人，迄今尙未修復，乃由路旁河邊，另闢臨時小路以通行。再行數里，至育苗圃，屬柳州農林試驗場，佔地甚廣，一望無盡，約數百畝，分區種植，佈置整齊。岡上有兵營，車過門外，有第一警衛團團部字樣，門前曠場廣大，以爲兵士操練之地。循原路入城，再出城東，過中央軍事學校，馬路新闢，兩旁植樹，頗爲整齊，經播音臺、印刷局、陸軍醫院，而出江邊，若過江而行，卽中山公園在焉。相傳爲儂智高建衙之地，規模宏壯，風景清佳，惜以時晚，未克往遊耳。乃沿江邊過省府合署、新關稅務司公館、海關碼頭，轉入桃源路，而至建廬。屋爲別墅式，租地自建，庭前花園，佈置美觀，拾級而登，爲會客廳；樓上黃局長住眷，樓下後座，臥室成排，後

臨池塘，饒有風景。據說：此爲建設廳之賓舍，故名「建廬」，以供廳長稅駕及招待來賓之所。未幾黃局長自省府回，即同赴南寧酒店綠荷廳宴會，廳臨江濱，可供眺望，同座除主人與余等外，有教育廳廳長雷賓南（沛鴻），道路局局長蘇正持（誠），經濟委員會葉君儀（貽俊），鑛務局鑛師敦尼（英國人），觥籌交錯，賓主盡歡。十時宴罷，乃握別致謝，而返旅舍。夜闌人靜，氣候清涼，惟飛蟲紛集，驅之不散，殊可厭耳。

二五 桂省教育概況

今夜席上，與雷廳長談廣西教育狀況。據說：「廣西今日之教育，不重在少數之人才教育，而重在多數之民衆教育；不重在高談學問之教育，而重在經濟生產之教育；不重在造就溫文馴雅之國民，而重在充實勇敢之國民，故斟酌廣西社會經濟狀況及其需要，二十年七月提出教育施政綱領十二條，至廿一年七月復修正爲十條。」並承雷廳長惠贈廣西省施政方針及行政概況各一冊（民國廿二年七月印行）。茲錄關於教育者如左：

一、教育設施，注重實事求是，并使成爲政治經濟建設之基本工作。

二、社會教育，注重推廣民衆教育。

三、初等教育，以普及爲主，設施務從簡易適用，尤應注重鄉村教育。

四、初級中學，視地方需要及國民經濟狀況，爲添設標準。高級中學以改進充實爲主，不汲汲於數量之增加。

五、師範教育，逐漸使其獨立設置，並盡量培養鄉村教育師資。

六、職業教育，注重農業教育，及省內需要之工業教育，並須與職業界爲切實之聯絡。

七、女子教育，積極設置職業學校；並注意養成改善生活之知能，及保持母性之特質。

八、高等教育，先從設置專科入手，授以應用科學，養成專門人才。

九、學校訓育，注重養成學生樸實的勞動的紀律的團體的習慣。

十、保障原有教育經費，不能移作別用，並逐年力求其增加。

關於高等教育者，有廣西大學一間，法政專門學校一間，師範專科學校一間，此外則爲獎勵留學省外國外各專門學校各大學校之桂籍學生。

關於中等教育者，據二十二年調查，有完全中學校五，高級中學校四，初級中學校五十

六，職業學校二，師範講習所二八，合計全省中等學校九十四所，學生二萬零六百二十八人，畢業學生四千三百十七人，教職員二千零二十一人。至省立各中學經費及各縣中學補助費，廿一年度共一百六十六萬七千七百零九圓。

關於初等教育者，據最近調查，全省各級小學校，計一萬二千五百九十五所，學級二萬八千六百六十班。學生五十四萬五千七百三十八人，男約佔百分之九十，女約佔百分之十，職教員計有二萬五千零六十九人。全年收入四百二十七萬六千一百二十一圓，全年支出四百三十七萬五千九百零九圓。

關於社會教育者，推廣民衆教育，責成縣長切實辦理。廣西民衆教育館除省立一所在南寧已成立外，每縣擬籌辦一所。圖書館省立者有兩所，第一在桂林，第二在南寧，縣立者共三十四所。體育場省立有三所，第一在南寧，第二在梧州，第三在桂林，縣立者有五十九所。

關於軍事教育者，廣西大學及師範專科學校，其軍事訓練已由第四集團軍總司令部，特設軍事訓練科直接管理。高中之軍事訓練，原是教育部規定，但廣西對於軍訓之實施，特別注意，採用軍隊之組織與管理，使學生從生活中受訓練，在團體之紀律環境中，能發展其

天才。至初中及小學之童軍，是強制執行，現省內童軍，甚為普遍。

關於職業教育者，省立女子中學校四所，改辦女子職業學校，以後祇招職業班，不再招收普通中學生。省立第一婦女工讀學校，為一般貧窮失學之婦女而設，擬在桂林開辦一所。至縣立職業學校，全省現有兩間，一在梧州，一在南寧。

關於教育經費者，廣西教育經費雖不多，然在全省總收入之比例上，已不為少。廣西全省總收入祇有二千二百餘萬圓，教育經費已佔三百三十餘萬圓，占總收入百分之十四，其支配方法，社會教育經費，比前增加，高等教育經費，在比例上則為減少。

關於中小學畢業會考者，教育部頒布畢業會考規程，欲以會考方法，使學生程度提高。小學會考由各縣分別辦理；中學會考由教育廳設考試委員會辦理。全省劃分南寧、桂林、柳州、平樂、梧州、桂平、鬱林七會考區，每區派一委員主考，試題試卷則由考試委員辦理。

二六 南寧各友之訪問

廿五日侵晨即起。七時與國正、宜坤同乘汽車，訪問南寧各友。茲略記之：

三管圖書局韋洽羣楊一悟 三管圖書局，營業頗能推廣，對於各校，亦能聯絡，惟門面稍狹耳。韋楊二君，昨曾過訪，已獲深談，此刻適往辦公，祇與店內職員，稍談片頃。

強華書局楊保福 強華書局，門面堂皇，推銷亦甚得力。楊君昆仲四人（保福、保壽、保康、保寧），余祇獲晤保福耳。

省會公安局局長周慰民（炳南） 周局長為湖北人，精明強幹，適上軍訓班，企候良久，始獲晤面。聞周局長辦事剛正，不畏強禦，故頗有政聲。

省立第一初中學校校長陳伯華（宗嶽） 教務長曾伯聲 陳校長為粵之海豐人，主持教育，負有重望。曾教務長桂之興業人，曾著教育公文一書，風行國內。彼此晤敘，至為愉快。

省立女子第三中學校校長黃敬之（尙欽） 黃校長邕寧人，與談廣西教育，對於女子中學改為女子職業學校，頗多討論，深中肯綮。

邕寧縣立中學校校長陳錫朋 陳校長，邕寧人，暢談之餘，對於中華書局出版教科書，頗為推許，獻議亦多。

省立第一高中學校校長雷榮珂 雷校長，邕寧人，與余等同船來梧，因尙在梧州，未及

晤面。

訪友既畢，即回旅舍，與國正、宜坤辦理公務，旋與君葆同赴建廬訪黃局長，談明日赴武鳴參觀民團事，隨與黃局長同乘汽車赴農林局，訪局長陳大寧，由黃局長自行司機，極爲純熟，聞彼亦能駕駛飛機，上下自如，甚佩其多材多藝也。抵農林局，由技士賴光實（信）接待，蓋陳局長赴龍州未返，承賴技士詳述廣西農林事業，頗增見聞。暢談良久，興辭而出，黃局長送余等返南甯酒店。

午後五時，赴居然酒店，應韋洽羣、楊一悟兩君之宴。同席除主人外，有寧明縣長張敬之、鍾山縣長歐越樵，同正縣長劉玉懷、柳城縣長黎庶從，前十九路軍經理處長宋穎初諸君。杯酒聯歡，極饒樂趣。所談各縣民情風俗，尤爲娓娓動聽。八時席散，辭歸旅舍。

省立第一高中學校教務長曾伯聲、教員姜洪維（名文森，江西南昌人），第四集團軍總部政訓處宣傳隊長黃學澧（中山人），先後過訪，抵掌談天，頗慰岑寂。夜闌人散，憑窗眺望，煙樹蒼茫，宵燈隱約，民居傍水，明月近人，艇家對答之聲，傳入耳鼓，夜景如斯，誠可樂也。

二七 甞武道中

廿六日天未明即起，澆漱畢，黃局長派汽車來接，即到建廬。未幾林靄民（星加坡星洲日報經理）、蘇養吾（星洲日報記者）、蘇濟寰（廣州永安堂經理）三君，聯袂而來。七時乃由黃局長領導分乘汽車二輛，同赴武鳴，沿途平原，悉爲荒土，若能整頓水利，實行墾殖，則大利所在，亦可救濟農村。旋過大高峯，形勢峻險，車向上駛，紆迴曲折，崎嶇不平，聞向爲土匪嘯聚之區，今已寧靖。高峯隘有小亭，民團二人，荷槍守衛。復趨平原，石峯突起，土人多以馬負載而行。未幾過大路村，遠望七級浮屠，高矗雲際，則武鳴在望矣。抵武鳴城外標營，已八時三十分。南寧至此九十六里，標營爲清末練新軍之所，今南寧區民團指揮部，即設於是。

二八 南寧區民團指揮部

余等到南寧區民團指揮部，指揮官梁瀚嵩、副指揮官陳日葵、參謀長劉春先諸君，同出門外相迎。民團列隊，奏樂敬禮。先登樓上會客廳稍憩，款以香茗生果，寒暄畢，梁指揮官發言，

其詞曰：「諸君遠道惠臨，兄弟不勝榮幸！謹將民團組織大略，爲諸君一陳之。當民國十九年，廣西地方混亂，滇軍、湘軍、粵軍、共產黨等，互相割據，經幾許時間，始克平定。二十年兩粵攜手，乃得實行整理，軍民領袖，以廣西軍隊有限，恐不足恃，即徵兵亦未必適合實際之需要，乃本「寓將於學寓兵於團」之計劃，召集民衆，訓練民衆，由個人武力，化而爲民衆武力，於是匪類肅清，地方安靖。現民團組織，統屬於總司令部之下，劃分八區：卽南寧區、梧州區、桂林區、柳州區、百色區、龍州區、天保區、平樂區是也。每區設指揮官，兼行政監督，區之下爲縣，縣之下爲區鄉（鎮）、村（街），各區須受省政府監督指導，因民團與政治有密切之關係，省府與縣之間，未有行政監督，故設分區，其指揮官有如昔日之道尹，區之下爲縣長，兼民團司令，另設一副司令，兼副縣長，縣之下爲區鄉（鎮）村（街）長，此民團組織之大概。現南寧區屬十六縣，已完成公路三千五百餘里，如各縣有事，則三小時之時間，亦可視察回來；且電話一通，立即召集，便可應援，向來軍隊剿匪，每每兵來匪去，兵去匪來，故以軍隊專任治安，殊不易易。民團有常備隊，六月一次，期滿仍爲後備隊，有事必出，有案必破。又每區舉辦幹部訓練，六個月畢業，所授課程，是軍事、政治、經濟、教育、農學、法制，畢業後，委爲鄉村長，及鄉村校長，全省可

訓練幹部三萬人，三年集中一次，縣長集中省政府，區鄉村長集中民團指揮部。現在所注重者四項：（一）政治。如鄉村教育，調查戶口，保護交通。（二）軍事。查民團仿照徵兵制度，即選好人當兵，亦即義務兵，民團為後備隊，鄉設大隊長，村設隊長，人人可拿鎗，人人可救國。（三）教育。每區設區中心小學校一所，每區十鄉，每鄉設鄉中心小學校各一所，即高小程度；每鄉十村，每村設基礎學校一所，即初小程度。全區有區中心小學一所，鄉中心小學十所，基礎學校百所，共一百一十一所，化貴族教育為平民教育，化分利教育為生利教育。（四）經濟。廣西地大人多，地未盡其利，人未盡其才，亟宜開發鑛產，實行墾殖，大家要開鑛，大家要種植，合力以救農村，民團任保護之責，投資者自可放心。蓋鄉村長有三萬人，有訓練，有常識，故可保護實業。謹撮大概，向諸君報告，尙希有以教之。」

旋由指揮官參謀長導觀指揮部各處，地方宏敞，設備整齊，有寢室、浣漱所、講堂、飯堂、書報室、醫務所、休養室、理髮所、販賣部、廚房、廁所、操場、花園、苗圃、菜圃、果園、松林、播種亭、牧畜場、牛運動場、馬運動場、豬運動場、雞運動場等，設備完善，整潔有條。現在幹部訓練，分三大隊，共三百人，均中學程度，六個月畢業，派回本籍為鄉村長，兼鄉村小學校長，並訓練民團，實行軍

政學合一之計劃，幹訓有大刀隊，故寢室內每榻各懸大刀一柄，排列整齊。適舉行刀槍比武，一人持木槍，一人執木刀，技藝純熟，氣象森嚴。余問指揮官，設畜牧運動場之用意。據說：「實行研究改良畜牧之方法，使幹訓隊回到鄉村改良，所以設畜類運動場者，亦以注重訓練。」畜猶運動，而況人乎？

二九 廣西初中軍事訓練第一大隊

參觀既竟，復上會客堂，進早膳，菜陳八簋，頗爲豐盛。指揮官參謀長亦同席招待，備極殷勤。飯罷，又導觀廣西初中軍事訓練第一大隊。該大隊分四中隊，共四百餘人，其頭門牌樓，有「爲民前鋒」四字，乃梁指揮官所書。過牌樓，越草場，爲講堂，上題「忠孝仁愛信義和平」八字。講堂、飯廳、寢室，均爲新建，整理清潔，花圃草地，佈置美觀。後門題「民生門」三字，門外有民團農場，遍種茶松，梁指揮官佈告，懸松林下，曉諭農民植松之利益，以資勸勉。又有藥圃，遍植草藥，每種示以木牌，分類說明，能治何病，以備鄉村窮民無力延醫者，可採生藥治病也。

三〇 大同村公所

出民團農場，乘汽車至大同村公所。昔爲神廟，門前曠場，有演講台，疑是舊日之戲台。公所大門，懸長牌二方：一爲「武鳴縣市區城廂第一鄉大同村國民基礎學校」，一爲「武鳴縣中區城廂第一鄉大同村後備隊隊部」。校內課室二間，學生數十人，其教科用書，全屬中華書局出版。民團後備隊在門前大樹下，設黑板一架，以白粉筆揭示民團常識。本日所寫者，爲對空監視哨方法，亦露天訓練也。隨乘汽車至山上林場，遍種樹木，以有加利樹爲多。新建炮樓一座，爲瞭望哨壘，以保護林場，卽所以提倡農林之計劃也。

三一 南寧區公務人員眷屬工讀學校

步行入武鳴縣城，至南寧區公務人員眷屬工讀學校參觀。該校校長由梁指揮官兼任，副校長爲周天爵，另設教科主任二人，教員三人，工藝教員一人，保姆二人，學生分三班，皆公務人員眷屬，共一百五十人。有托兒所，眷屬小孩三十餘人，由保姆專任照料，蓋眷屬工讀，故

托兒女於學校，所內陳列兒童用品，仿幼稚園辦法。眷屬除上課外，另有紡紗、織布、織襪、織毛巾、車衣、刺繡、各種工藝，全機器用木製，構造頗簡單。校訓爲「忠誠勤懇」四字，辦理具有精神。竊以爲公務人員眷屬者，卽世屬稱之爲官太太，榮則妻貴，養尊而處優，燕居多暇，聯羣結伴，以桴蒲爲戲，以觀劇爲樂，驕奢淫佚，相繼而來，何以相夫？何以教子？梁指揮官提倡公務人員眷屬工讀，誠知所先務矣。

三二 武鳴縣城

旋環遊武鳴縣城內，經過縣政府鎮公所各處，街道潔淨，惟屋宇尙多頽廢，聞自民國十年遭兵燹後，至今猶未修復。吾國內戰頻仍，各逞意氣，老百姓真無死所矣。過上將第上將臺，卽前兩廣巡閱使陸榮廷府第。聞民國十年被燬，今上將臺亦重修者。上有石刻題額，爲「康強納祐錫福閭閻」八字。傍列有跋，略謂此二語爲徐世昌大總統所贈陸上將之壽言，故刻石以留紀念云。


武鳴東區，大明山東麓，發見金砂鑛數處，頗有價值，居民紛紛採掘。桂省政府特組織測

探團，前往測探，取其標本化驗，知爲金屬純質，並由黃主席親往視察，現正規劃籌資開採云。

武鳴境內，嘗發見第三紀後期之哺乳類骨骼及牙骨。據兩廣地質調查所古生物專家張席禔博士研究，係屬於馬類、鹿類、象類、豬類等。而最注意者，有破碎之靈長類牙齒一枚，同時發見石斧、石刀、石環等石器甚多，當爲十餘萬年前原始人類之遺物，故於人類學及古物學上，均有相當之價值，再加詳細研究，或更有他種之新發見。

三三一 靈源

出武鳴縣城，再乘汽車遊靈源，俗稱靈水。形如小湖，傍多層石，水清見底，有泉數處，噴水如沸，冬溫夏冽。池傍築亭數座，以碎石砌「靈源」二字，趁以綠草，鮮豔奪目，有武鳴縣中區第二鄉五海三村公所，昔爲神廟，門前戲台，改爲演講台，乃就而憩焉。梁指揮官飭人在泉源處，以壺汲水，和以果露，分饗同人，涼沁心脾，各盡數杯。又乘汽車沿池邊而出，至觀魚台。此台前臨溪流，卽由靈源流出，而入大江者，水亦清冽，游魚可數。台上臨水一面，題「觀魚」二字，爲李品仙所書。向山一面，有「靈台」二字，爲江亢虎所題，傍有小序，文曰：「民所經營魚同



眺遠山上鳳起圖五

樂，江湖相忘心不躍。甲戌春日江亢虎。復登山上新建礪樓，爲民團瞭望之所。登樓俯視，靈水流入江中，其接合處，清濁異色，頗呈奇觀。

三四 起鳳山

復乘汽車遊起鳳山，孤峯聳峙平原之上，全屬水成岩所成，風景頗佳。梁指揮官發起重修，尙未竣工。山下有鎮江岩，巨石嶙峋，洞內供神像數座。再上山徑，拾級而登，題「起鳳山」三字，爲梁指揮官所書。再入筱風洞，又名觀音閣，供大士像，塑工精巧，相好光明，屋樑硃書一行，文曰：「民國庚申冬月耀

武上將軍陸榮廷重修。又上讀書岩，有石刻「朝陽鳴鳳」四字，傍刻「明黃錫袞避世讀書處，大清道光庚子黃彥培謹誌。」石壁題刻甚多，目不暇給。旋過太極洞，洞頂石紋，成太極圖，像形維肖。石壁刻「鳳」字，長約丈餘，筆力矯健，傍刻「大清道光己亥中秋山陰王仁元書。」再過合雲岩，供神三尊，石壁刻「郡伯侯官李蘭卿所憩處。」黃局長立神像前，吳毓騰爲其攝影，余笑語之曰：「洞內神像，又多一尊矣。」乃聯袂下山，回顧山上景色，岩洞多，樹木少，蓋多石少土，難育森林也。山下田園，多種菸葉，蓋武鳴以產菸葉著名，每年出產約二百萬圓，又過黃氏宗祠，門外有木牌，爲「武鳴縣中區鄧廣鄉夏黃兩村公所。」前爲曠地，有演講台，夏黃兩村後備隊及小學校，附設祠內，有禮堂一間，課室四間，校園佈置整齊，草地中以石砌成標語，用資策勵，亦美觀也。遊觀既畢，乘車出大路村，圩市甚盛，耕牛成羣，人聲沸騰，蓋販牛之集合地。梁指揮官遠送至此，握手道別，乃循原路回南寧，而返旅舍，時已四時矣。

三五 省政府之讌集

下午五時，省政府祕書處派汽車來接，即赴省府，先由黃局長接待，導登樓上大花廳，謁

見副總司令白健生（崇禧），主席黃旭初，總司令李德鄰（宗仁）適赴粵，故未獲晤。白副總司令魁梧奇偉，一望而知爲精明強毅之人，御灰布軍服，布帽布鞋，佩橫直皮帶，與兵士有別者，唯此肩章等級，操桂林語，聲音極清。黃主席態度沉默，極寡言笑，並於座中得晤總司令部總參謀長葉翠微（琪），省政府祕書長孫紹園（仁林），省政府委員王公度、蘇子美（希洵），高等法院院長朱宏漢（朝森），教育廳廳長雷賓南（沛鴻）等，均御灰布制服，清勤樸素，於此可見。是夕被邀者，林靄民、吳毓騰、胡茂菁、胡吉慶、蘇養吾、蘇濟寰、陳君葆與余，合當局諸公凡十餘人，分坐兩席。肴饌精美，烹調適口，菜名爲蟹肉燒茄、白汁桂魚、鐵扒鷓鴣、會三冬、釀苦瓜、雲腿鴿片、花雕醉鷄、鮮菇豆腐八簋，不用魚翅燕窩者，所以提倡節儉。桂省府曾有通令，公務人員宴客，每席不得超過十圓，欲法之能行，應自上倡之也。席間自由談話，並無正式發言，觥籌交錯，賓主盡歡。余不善飲，葉總參謀長殷勤勸酒，勉盡數杯，亦一苦事。七時宴罷，靄民攜影相機在主席辦公廳門外，爲全體拍照，以留紀念。復登樓暢談，八時告別，省府以汽車送至旅舍。韋洽羣、楊一悟兩君惠訪，抵掌談天。大雨傾盆，氣候涼快，隔江遠望，對岸迷濛。迨雨霽人散，已夜半一時矣。

三六 桂省民團訓練概況

今夕省府議集時，曾與黃主席談論民團訓練概況。據謂：「民團訓練目的有三：一爲自衛；一爲自治；一爲自給。人民有自衛能力，須授以軍事訓練；人民有自給能力，須授以生產教育。幹部訓練畢業後，派回各區鄉村訓練民團，任爲區鄉村長，領導民衆，如墾荒、水利、闢農場、開苗圃、組設農村倉庫、保存農產品。廣西有二萬四千餘村，村長兼小學校長後備隊長，實行強迫教育、造林開墾，十年以後，可得木材幾何。故民團組織，不特維持地方治安，實與軍事、政治、文化、教育，亦有關係。蓋以民團之精神，爲推動政治文化之運用。從前政府命令，未能達到民間，現在區鄉村長均有訓練，予以權利，使青年子弟受訓練後，不要集中城市謀生活，而使救濟農村謀福利。自昔中國政治，其組織多類此，惟前者爲官治，今則爲民治，欲使人民參加政治，非有自衛自治自給不可也。」桂省民團，初因組織未妥，章制未善，人民叩關無路，飲恨從公。其後民團長官，探訪民隱，洞悉人民痛苦，已重新改善云。

三七 白健生黃旭初之軼事

白副總司令健生，桂林人。當民國十六年北伐，軍次幽燕，曾由魯軍中獲一良馬，名「回頭望月」，原為張宗昌治軍關外時，以千金購得者，身材與常馬無異，惟精悍特甚，背有白紋，絕類一鈎新月，謂馬昂首回顧，則能自窺及之，因有「回頭望月」之名。日行千里，四足如飛，毫無疲憊之態，英雄名馬，相得益彰。自中原頓挫，退歸廣西，此馬竟以水土不合，染病而死，亦可慨也！又聞白氏雅嗜書卷，大有儒將風度，每有遠行，篋中充實書籍。蓋於政治之探討，學術之研究，孜孜不倦，平昔尤服膺管子學說云。

黃主席旭初，容縣人，天性純孝，事父恭順，雖貴為主席，而平日在家侍膳時，必為父盛飯，父有責備，不敢申辯；父有所命，不敢稍違。晚近世風日漓，人心不古，而有此軍人之孝子，而有此身為省府主席之孝子，亦難能可貴也。

三八 三塘斷橋

廿七日曉起，摒擋行裝。六時，鑛務局技士曾琴鶴以汽車來接，先到建廬，進早茶後，七時出發。黃局長及吳毓騰、胡茂菁、陳君葆與余，同乘一車，秘書謝道濟、技士曾琴鶴、水利局工程師（英人）及胡吉慶，另乘一車，勤務兵與行李另載一車。昨夜大雨，道路泥濘，途中見林靄民等乘汽車迎面而來，問之，謂：「今日赴梧，因溪流水漲，木橋崩斷，故折回。」黃局長勇氣一往無前，飭司機駛至三塘斷橋處，視察一遍，面囑監工員，從速報告道路局，派工修理。蓋該處原日路潰，正在修築橋樑，傍架木橋，以通車輛，今水漲橋塌，故不能渡。桂省公路，雖交通便利，然因陋就簡，橋樑多以木製，每易為山洪沖壞，此亦限於經濟也。

三九 廣西家畜保育所

乃折回南寧，途過廣西家畜保育所，正在建築中，規模宏壯，頗如醫院結構。大門壁刻「中華民國二十三年三月奠基黃旭初」等字，蓋為黃局長任建設廳時所籌辦，建築費八萬餘圓。蓋農村以牛為最有用之家畜，牛病易傳染，農民損失固大，而影響農業之損失更大。查民國廿一年桂省政府電飭各縣調查，發生牛疫者三十四縣，統計斃牛三萬四千七百餘頭，

以永淳全縣爲最多，鬱林次之。非設法以保育家畜，不足以救濟農村。如牛兔疫病，則減少死亡，卽爲農民直接增加生產，而全省農業生產，亦因此而大增加。故家畜保育所卽製造防除牛疫苗，如發生牛瘟區域內，施行普遍注射，費用極廉，每牛注射，約需成本三角左右。而注射人才，可由各縣選送到所訓練，然後派往各縣，執行防除牛瘟，則全省牛疫，自可撲滅。今建築既將完竣，開辦亦需鉅款，疫苗製造費約需六萬圓，技術人員薪俸旅費約二萬圓，擴充設備等亦約二萬圓。初年由政府執行注射，以防除牛瘟，如次年農民請求繼續注射，亦可酌收疫苗成本，以資彌補。此舉不特中國所未有，卽東方亦鮮見也。

四〇 桂省報史紀聞

參觀既竟，仍返南寧酒店。早膳後，作書寄梧粵港滬各處，並寫遊記。晚間李乃濬科長惠訪，暢談桂省文化事業甚詳。李科長去後，披閱南寧民國日報。爰將所聞桂省報紙之歷史，紀述如左：

桂省之有報紙，始於清季巡撫衙門發行之官報，備載朝廷詔諭及官方消息，體裁略如

今之政府公報，特爲日刊，而非月刊耳。次爲省諮議局所辦之日報及南風報月刊，鼓吹民族革命軍國主義最力，主之者爲趙正平，喜馬拉雅其筆名也。以上皆發行於桂林，此外尙有梧州之廣西新報。辛亥革命軍興，廣西宣佈獨立，桂林有廣西獨立日報之刊，數月而輟。此辛亥前之狀況也。民紀初更，邕桂梧三埠日報之興，如雨後春筍，邕有西江報（今教育廳雷沛鴻所辦）、民風報（國民黨廣西支部所辦）、指南報（進步黨廣西支部所辦）、梧除原有廣西新報外，新增梧州報（國民黨梧州交通部所辦）。桂則有民報、公言報。同時全省報紙七八家，開前此未有之盛。未幾西江以編輯者出洋而輟，民風、梧州以國黨解散而停，其餘能延續至民四以後者，僅一、二家而已。民五至民十間，邕有嶺表報，梧有南方時報，良知報、西江報、五四運動後，梧有學生救國晨報。其中以良知報發行較久。民十粵軍入桂，各報因多停頓。民十一至民十四間，桂省政變頻仍，言論界至無生氣，其時久延殘喘者，惟嶺表報、救國晨報，與省教育會出版之通俗日報而已。民十四五後，桂省參加國民革命，而邕梧桂各處民國日報，應運而生，柳州繼之。至龍州、百色、鬱林之有民國日報，乃二三年間事耳。今則黨報僅存南寧一家，其餘梧州、桂林、鬱林、百色、龍州、柳州各民國日報，悉行停辦。卽省黨部所出之南方雜誌、

南方青年，爲桂省宣傳文化之刊物，亦同時停版。今後桂省日報，祇有南寧國民日報、與梧州大公報兩家，殆所謂榮虛有數歟！桂省當局，向來注重宣傳，今乃大撤其宣傳之具，其爲節縮度支歟！然桂省報業，向多冷淡，其銷數最多者不過二千份，少者僅三四百份。生涯之苦，亦可想見矣。

四一 從南寧出發

廿八日晨起，候車出發。六時，黃局長以汽車來接，先到建廬。六時三十分啓行，蓋昨日斷橋已修繕無礙，同行者仍如昨日，分乘兩車。曉風和暢，精神愉快，沿途循二塘、四塘、五塘、八塘，過崑崙關，至賓陽縣屬之馬嶺。再至思隴，則屬上林縣。距南寧已二百里矣。車中與黃局長談話，可紀述者頗多，茲錄如左：

黃任職桂省已有七年，當民十九年南寧被圍，秩序紛亂，黃任政務處長，力主堅守南寧。或問之，答曰：「敵能入城，我不能出城，堅守可望救援，不守必無生路。」衆從其議，卒幸安全。黃任建設數年，實本前廳長伍廷勳未完之計劃。伍創之，黃繼之，蕭規曹隨，故能成績昭

然若必推翻前任計劃，徒滋紛擾，勞而無功耳。黃云：「做事要有責任心，能興奮，能刻苦，能儉樸。世人每每以富貴二字並稱，實則富者不必貴，貴者不應富，富者必不仁，仁者未必富，此中有至理也。」

當第四軍張發奎部駐桂時，黃提議禁絕嫖賭飲吹，使軍隊有紀律。又白健生任總指揮時，部隊駐建設廳內，黃提議兵士要讀書，使有訓練。今桂省軍隊有紀律，有訓練，可見當局能納善言。

桂省公路不平，限於經濟，因陋就簡，急於通車，所謂先天不足者也。公路普通闊三十尺，所需經費每英里約四千圓，即每華里約一千四百圓，因路面高低不平，其形如龜背者，不能過闊，故改爲二十尺至廿四尺。黃任建設廳長已有三年，用去建設經費約八百餘萬圓。

黃任建設廳長時，所辦事業：如測勘鑛區，開採富、賀、鍾錫鑛；繁榮南寧、桂林、賓陽、戎圩、南丹、河池、博白、容縣各城鎮市區；完成丹池公路，邕龍公路，邕欽公路，及實施科學灌溉水田凡千餘里，此皆建設經過之犖犖大端者。至現在進行中，爲開採南丹錫鑛，富、賀、鍾鉛錫煤各鑛，同時發展農村，增加生產。政府能推行良好政治，安定社會秩序，自能提高人民信仰政府之

精神。黃謂：「廣西全省一千六百萬，現有訓練民團十四萬人，三年後可召集一百萬人。現廣西各種大小鎗枝已登記者，一百四十萬枝。原有常備隊後備隊，因常備隊須用服裝鎗枝，費用頗巨，故現以幹部訓練爲常備隊。至軍隊有第七第十五兩軍，共五師，每師三團，每團一千五百人，共有軍隊二萬六千餘人。故廣西地方，軍隊民團，通力合作，治安甚好。」

四二 鄭交泰治上林縣之政績

鄭交泰，字協德，號補堂，香山平嵐鄉人，余同族十八世祖也。少讀書強記，番禺莊滋圃協揆見而器之，屢試不售。前清乾隆時，由例貢生就銓，揀發廣西，署上林縣，兼遷江縣，補蒼梧縣。性英毅，善聽斷，能以片辭折疑獄，當其平反，雖大吏盛氣臨之，不能奪。其署上林縣時，卓著政聲，曾自著年譜一冊，承霽林族叔祖假抄副本，藏之行篋。去年憇慈玉南族叔，出資刊印，以示族人，而留紀念。茲者道經上林，緬懷先德，感慨不置，爰錄其治上林縣之政績如左：

乾隆丁丑年，公署思恩府上林縣時，有盤特串，因姦謀死親夫一案。姦婦樊氏，臥病一月，實不知情，因謀死之處，係在河中，屍經旬日始浮出。見屍之時，樊氏病稍愈，一聞其夫被殺，即

曰：「必盤特串也。」時特串已逃，前任初報，竟坐樊氏同謀。及獲特串，審得其情，招解赴司，屢經批驗，必欲擬樊氏寸磔。公細鞫其翁姑，僉稱：「樊氏於歸半年，盤特串並未見面，被殺之日，樊氏臥床一月屬實。」再鞫樊氏，因何一聞其夫被殺，卽指爲特串據供：「在父家時，卽與盤特串通姦，迨將出嫁，特串曾告之曰：『我必殺爾夫，以圖長久。』」彼時以爲戲言，今夫果被殺，是以知之。若果同謀，豈肯直告。」公將其實情面稟郡伯維揚陳公，不許，以去就爭之，始蒙首肯。令親帶犯赴省待鞫，案結之後，樊氏得釋，郡伯大加稱獎，嗣是頻委會審焉。

上林縣屬有積匪名韋特實，乃竊賊之渠魁，重賞捕之而不得。一日自郡旋，縣尉金君以權來告曰：「韋特實昨已拏獲，職鎖其項，鐐其足，用木札一十字架，摯其兩手於其上，夜半竟爾逃去。」公不之信，且加以詞色。金君曰：「此時職無可辯，然事實如此，若必欲致之，壯役中有一戴上文可使，非此人不能得也。」公呼戴上文至，許以重賞，勒以嚴限，五日內而韋特實果擒至。公嚴訊，竊案畢吐。因問：「手足鎖縛，何以能逃？」特實曰：「此易事耳，請面試之。」當堂札一十字架，如前鎖縛，繩痕入肉，不能動移，公親驗畢，復坐堂上，審理別案，未及數刻，祇見其兩手伸縮數次，而繩已鬆脫矣。遂復用口咬竹竿一小片，向鎖門連搓，而腳鐐亦開。公又問

之曰：「班房牆高一丈，汝何能扒上？」答曰：「可。」又問：「能越城而逃乎？」曰：「此更不難，請再試之。」因帶班房牆側，祇見其聳身一躍，已直立牆上，用手一按，已在牆下，聲色不聞，顏色不變。飛簷走壁，始親見之。遂大杖四十，皮肉不損，監禁兩月，連杖四次，方哀請曰：「特實之罪，死固無辭，然公肯宥我，未必無以報稱。」公問曰：「有說乎？」曰：「邑中諸偷，我半知其名，即有一二慣賊，他人不能獲者，我力能擒之；然我性好酒，食量頗大，每日非二百文不可，公能飽我之腹，而宥我罪，我素畏戴上文，即令戴上文保我，我當有以報公。否則一偷死，而諸偷未必可以盡除也。」公見其言頗近理，遂保釋之，按日給錢，夜令值宿。嗣後但有報竊，無案不獲，諸偷爲之斂跡。

上林縣屬有鄉長，解一毆傷事主竊賊赴縣，公訊其同夥幾人？答曰：「三人。」問其姓名？祇供出一人，大加呵斥。賊顧鄉長數四，鄉長曰：「爾途中曾云同伴者爲某人，汝忘之乎？抑欲爲彼諱也？」公見其辭色可疑，密遣一役，令其星夜喚某赴案，並戒以勿洩，二鼓其人喚至，公相其衣服舉動，不類賊人。隨問之曰：「汝有產業乎？」曰：「有田四百畝。」又問：「汝識鄉長乎？」曰：「中表至親。」又曰：「有仇乎？」曰：「素相好。」我鄉下農民，錢糧差務，俱托鄉長，常

相資助，並無仇也。」又問：「有求不遂乎？」曰：「前月鄉長之子完娶，向我借銀三十兩，我未之許，舍此無他也。」公即監提犯人至，問以年貌不符，雜某於衆人中，令其細認，亦不之識。加以駁詰，始吐解至中途，爲鄉長所教。當堂首對，鄉長俯首無詞，遂問其何故教賊叛親？曰：「某愚而富，票拘赴案，必倩我爲之料理，飽我私囊，教賊叛供，以報我借貸不遂之嫌耳。」公見其居心叵測，當加重杖，並欲論之如法。越日有紳衿里老百餘人，環庭籲請曰：「鄉長某，誠爲有罪，但東南一帶，民素信之。公今欲葺東鄉橋樑道路，由縣至鄰圩九十里，長途工費不貲，非此人勸捐督理，必難集事。公姑曲法宥之，必有以報也。」公乃勒限釋之。不半年而工果竣，行人便之事難執一，良有以也。

上林縣有生員李得一，被繼母唆使其父，迫令出妻再娶，而妻實無過也。庭審之日，悉得其情，因問之曰：「汝心願乎？」曰：「不願也。」又問曰：「聘定黃氏婚啓，出誰之手？」曰：「生員自製也。」曰：「既不願，胡爲有此清麗之啓？」曰：「表兄某言，黃氏貌美而奩厚，生不覺心動耳。」拘其表兄面質，頓口無詞，遂會同儒學，各加戒飭。斷黃氏之婚，而前妻以未育爲詞，必欲並全黃氏，而黃氏又以一絲爲定，誓不改適。公見兩女不肯相捨，酌斷兩全，並爲之分析。

家產，曲諭其父母幼弟，咸相感泣而去。

上林縣屬是年六月，多自縊命案，旬日之內，案凡六起，訊無致死根由。公竭誠致祭城隍，並鎖廟門外泥塑地方鬼之項，而檄之曰：「夫鬼之名爲地方者，以其能約束地方之鬼也。地方而多自縊之鬼，是與無地方等耳。焉用此地方鬼爲？今本縣告諸城隍，加汝以法，汝宜自勵，職守克修，本縣當新汝衣冠，與汝飲食，倘萎靡不振，諸魅仍作，不付諸丙丁，卽投諸壬癸，汝其無悔。」維時僚友皆笑公爲妄。迨自十月，自縊之案全無。公乃新其廟貌，可知神人一體，原相通也。嗣是祈晴禱雨，無不響應焉。

公署上林縣事，兼署遷江縣印，旋題補蒼梧縣知縣。啓行之日，上林父老，製備袍傘送行，數十里不絕。至鄒圩，韋特實、李得一，並教賊叛親之鄉長，俱親執壺觴，跪送道傍。公曰：「汝三人者，俱受我重責，今不我憾，反餞我乎？」鄉長曰：「我年六十二矣，六子十三孫，平日逞其小智，擇食鄉愚，將來不報於身，必報之子孫。自蒙教訓，一年以來，痛加悔改，倘留種類，公之賜也。」因而涕泗橫流，公亦爲之心動，進三觴焉。李得一又前致詞曰：「生不得兩親歡心，而出無罪之妻，衣食不充，誦讀且廢，他日縱得寸進，負咎實多。自荷明訓，雙親慈愛倍常，妻又舉子，衣食

無缺，得以卒業詩書，皆公之惠，敢不奉餞！公亦爲之勉盡三觴。韋特實踴躍而前曰：「公實生我，我無以報。公又沉醉，不敢以酒強公，其奈之何！」公曰：「飲酒易事耳，我去之後，汝何爲乎？」特實曰：「我偷也，而性直，不敢欺公。他日饑寒所迫，則仍爲偷耳。」公曰：「偷能終其身乎，胡不隨我？」曰：「蒼梧非吾故土，人未謀面，縱從公去，徒耗衣糧耳，無益也。」戒諭再三，薦其入伍，首領而去。

四三 過蘆圩

循上林縣屬思隴太守，而過賓陽縣屬丁橋，以至蘆圩，距南寧二百五十五里。時已九時二十五分，同人腹如雷鳴，乃登蘆圩飯店，進膳果腹。此店土墻築成，茅茨不剪，樓板搖動，房舍積塵。余等點菜數色，頗覺適口，豈飢者易爲食歟！黃局長並餉以土產荔枝，味甚甘美，不亞粵產，每觔一角，價亦不昂，如能設廠製藏罐中，銷行華北各省，亦利藪所在也。公路至此，分而爲二：東北達柳州、桂林、全州而抵黃沙，名邕全綫，長一千五百三十五里；東南通貴縣、鬱林、容縣而抵戎圩，名邕梧綫，長一千一百一十里。有停車曠場，以便各路車輛停息之所。蘆圩屬賓陽



河 渡 車 汽 塘 大 圖 六

縣，爲廣西四大圩場之一。三日一市，爲商
品貿易之總匯。十時復行，循賓陽轉鄒圩，
此處與上林縣爲界。旋渡清水河，一路山
石玲瓏，古色斑斕，峯巒皆自平地拔起，不
相續連，奇山怪石，皆生平未經見也。

四四 過遷江

十一時半過遷江，渡紅水河，此河發
源於黔境。盛夏之時，水挾紅土而流下，其
色殷然，故曰「紅水」。亦猶挾濁泥者之
稱黃河也。兩岸多石，汽車渡河，越十分鐘，
始達對岸。車再前行，途中有大印山、小印
山，其形如印，故以爲名。土人謂與風水有

關，然亦石山之象形耳。復行峭壁中，山石成磚砌形，堆疊整齊，層次不亂，造物之巧，莫可窮。地質學所謂水成岩者也。山上住宅，環以磚垣，建築堅固，藉以防匪，蓋昔爲盜匪出沒之地。旋過北泗，向多匪患，農民耕牛，亦多被搶，每屆春耕，非有鎗枝保護，則農民不敢耕田。故諺云：「包粟熟，土匪出。」自民團訓練，匪首就戮，地方匪類已肅清矣。沿途木棉樹，觸目皆是，再過石疊，已屬忻城縣。石均積砌，恍如書層，蜿蜒十餘里。車行山谷中，山深林密，有民團守衛。又過長洞，有碉樓防守，保護行旅。至是峯巒環繞，樹林茂盛，惟沿途稻田乾涸，豈天旱未雨耶？抑水利未興耶？一時半過大塘，距柳州僅一百七十里。石峰拔起，星羅棋布，如燭如塔，如牛角，如人物，如花瓶，如僧帽，形狀不一，妙肖逼真。再行百指坳山谷之中，人家三五，山巒環抱，地勢險要。二時半過柳州縣中道區區公所，未幾過飛機場。三時已抵柳州對河圩矣。

四五 到柳州

自南寧到柳州，凡六百七十五里，約行九小時，余等寓對河圩民生旅店，房租每人一圓至一圓六角。地方湫隘，設備簡陋，窗牖無多，氣候頗熱，燃煤油燈，與舊式客棧等。乃沐浴更衣，




圖七 柳州全景

稍進茶水，準備遊覽。

柳州爲桂省要區，西北泝紅河以通黔省，東南下象潯以出西江，北接桂全，南控邕龍，實有綰轂全省之地位。前者議以柳州爲桂省之新中心，蓋有由也。新市區在舊城之對河圩，聞一切建置圖稿，悉已規定，經費預定八百萬圓，街衢最寬者，爲十六丈。嗣以軍事不息，政局多所變遷，遂致徒托空言。然外表猶不減於邕梧，將來開拓佈置，柳州終爲商業中樞，不僅軍事政治視爲要地已也。

自南寧至柳州，途中山多戴土，平



圖八 柳州對河馬路上圩期之熱鬧



圖九 柳州之美人對鏡

原不少，強半荒蕪，蓋地勢較高，缺水灌溉，故多棄置。如能鑿井建塘，開渠抽水，不難使瘠田變爲腴壤。故宜招開農墾，多辦水利，使農民得資挹注，地利必可暢興。又向聞柳州木材豐美，實則由黔邊運出，柳州爲木材集合地耳。

四六 廣西航空處

余等乘車遊覽，擬參觀廣西航空處。抵飛機場時，知處長林偉成已赴南寧，又以時間無多，故未進場。聞桂省空軍，尙屬初期。因地方財力關係，尙無若何進展。航空處隸屬於第四集團軍總部之下，地址則設於柳州。因飛機隊係駐柳州，故就近工作，計有戰鬥機練習機數十部，尙未分隊。現注重於技術訓練，並積極培養航空人才。查航空學校第一期學員二十餘人，將於本年八月畢業，現開始訓練第二期學員矣。第一期畢業時，擬在柳州演習空防一次，表演時，柳州民衆總動員。關於民衆避敵轟炸，掩護警號，敵機偵察，轟炸襲擊，我機迎敵應戰，均有相當之表演。使地方民衆，對空防上有充分之觀感云。

四七 廣西機械廠

從飛機場到機械廠，廠長黎國培，出洋考察未回，由工程師朱榮章引導參觀。並晤族姪義雄，亦桂山舊生。彼大學畢業後，歷任教職。去歲承廠長黎國培之招，任機械廠審計事。久別遽見，狂懽可知。乃約今夜到旅店暢談。查該廠創辦於民十六年冬，至民十七年正式成立，預算資本二十五萬圓。擬分木工、翻砂、打鐵、機械、電器五部份。規模雖不廣大，佈置甚有秩序。全廠職員六十餘名，工人一百四十餘名，以製造及修理汽車飛機，與普通應用機器及農具等項為主。民十八年政變停辦。民二十年政局統一，重行恢復。現在專裝造飛機及飛機所用炸彈手榴彈等。其飛機發動機要件，則購自外國，機身各部，可以自製，成本可減五分之一。廠內經費，由省政府按月撥發，每月薪俸總數三千七百餘圓，每月辦公費總額一百五十圓。規模比前略事擴大。惜廠內地面，以泥沙鋪成，故灰塵飛揚，似宜改用土敏土鋪地，較為潔淨。

四八 廣西酒精廠


復由義雄導余與君葆到酒精廠參觀。林經理公出未晤，由楊庶務導觀各部。該廠自民國十六年冬籌備，預算資本十五萬圓。旋以擴大範圍，預算再增一倍，所有機器，概購諸外國，往返需時，故於十八年春始告成立，開工製造。尋遭政變，即歸停辦。廿二年春，始行恢復整理。廠內職員十餘名，工人廿餘名。經費由省政府撥給，每年約十六萬圓。因機器全屬新式，故工人無多。每日可出酒精一千餘斤，每罐分裝三十觔，值價十二圓五角，銷路以廣東為多。其用途在工業醫藥上佔重要之位置，其原料以小麥、玉蜀黍、木薯為主，或用桔水糖漿，所餘酒糟，可為養豬之食料。桂省荒地甚多，皆宜種玉蜀黍、番薯等物者，故酒精業頗可經營。況內燃機中可用酒精與汽油混合而為燃料，歐美各國已在研究中。且由政府強油商將酒精加入汽油後而出售。我國缺少油田，內燃機如汽車飛機中所用之汽油，向仰給於他國。近三年來，每年進口價值恆在一千五百萬圓以上。一旦外戰發生，來源斷絕，其何以堪？是以謀液體燃料之自給，實為當今之急務。酒精可以加入汽油，用作燃料。我國現在酒精產量雖微，（每年進口數量在二百萬英加倫以上）惟所用原料如甘薯、小麥等，出產甚豐。以上製造酒精，代替一部份之汽油，供內燃機之用，於國民生上，不無少補焉。

四九 廣西農林試驗場

復到農林試驗場參觀。場址在山谷中，面積七千畝，平地亦二千畝。入場道路兩旁，徧植有利樹，此樹幹修葉茂，栽秧雖難，一經移植，頗易長成。下車後，先到辦事處，訪場長楊士釗，承導觀各處。該場所轄分場四處：卽南寧育麻苗圃，南寧水稻試驗場，貴縣蔗種試驗場，桂平水稻試驗場是也。場長之下，分技術事務兩股：技術分推廣、病蟲害、森林、農藝、園藝五組；事務分會議、文牘、事務三組。場內有研究室、儀器室、圖書館、陳列所、寄宿舍、花園、涼亭、鷄舍、牛舍等，又有自製抽水機，利用水力，激動機輪，抽水至竿頂鐵罐，復流下水管，以灌花木。場內花木，種類頗多，所以集全省農林作品而加以研究者也。該場原爲廣西農務局，民二十年十月改爲柳江農林試驗場。民廿一年六月又改爲廣西辦林試驗場。職員廿餘名，工人六十餘名。場內經費由省政府撥發，每月薪俸總數二千餘圓，辦公費總額一百餘圓，每年事業費總額約一萬五千圓。楊場長樸實耐勞，至足欽佩。

五十 立魚峯

旋過立魚峯，在城西南隅，聳峙於平原之上，其形似魚直立，因以為名。余以立魚峯為柳



圖一〇 柳州立魚峯


州名勝，頗欲登臨。同人
有急於回旅店就食者，
故未能一致，僅於峯下
仰視景色。由峯東北麓，
躡石磴盤崖而上，岩門
東向，踞山半，有銅軍亭，
朱漆猶新，所以紀念第
四軍者。岩洞風景，亦至

清幽。倘登至峯巔，則柳州天險之形勢，與柳江環繞之美觀，可盡入眼簾矣。乃循原路，而回民
生旅店。晚膳既罷，整理床鋪，榻為木板，橫架橈上，草蓆麻帳，污穢特甚，乃以被布覆之。未幾

道。雄來訪，暢談別緒，至為愉快。爰同步行江邊，乘小艇，渡柳江，由新碼頭登岸，游覽柳州舊城街。

五一 柳侯公園

柳州舊城，新開馬路，廣闊整潔。所過公共體育場、民衆圖書館、第七軍部，均甚宏偉，頗壯



圖一 柳子厚衣冠塚

觀瞻。旋至柳侯公園，花

圃荷池，小亭曲院，極園

林之勝。有柳侯祠、柳侯

衣冠塚、思柳軒、柑香亭，

皆紀念柳文惠侯者也。

考柳文惠侯，名宗元，字

子厚，唐河東人。貞元九

年進士，舉博學宏詞科，

授校書郎，終柳州刺史。宗元少精敏絕倫，及長，僬傑廉介，議論援據古今，踔厲風發，一時名士，皆慕與之交。爲文章卓偉精微，既罹竄逐，涉履蠻瘴，放浪山水之間，湮厄感鬱，一寓之於文。做離騷數十篇，讀者爲之悲惻。在柳州時，南方業進士者，不遠數千里來從游，一經指授，爲文辭皆有法，名聲蓋於一時，世號柳柳州。卒年四十七，時元和十四年也。余少時讀柳河東詩集，其登柳州城樓云：「城上高樓接大荒，海天愁思正茫茫。驚風亂颭芙蓉水，密雨斜侵薜荔牆。嶺樹重遮千里目，江流曲似九迴腸。共來百越文身地，猶自音書滯一鄉。」又柳州峒氓云：「郡城南下接通津，異服殊音不可親。青箬裹鹽歸峒客，綠荷包飯趁虛人。鵝毛禦臘縫山罽，鷄骨占年拜水神。愁向公庭問重譯，欲投章甫作文身。」又柳州別舍弟宗一云：「零落殘紅倍黯然，雙垂別淚越江邊。一身去國六千里，萬死投荒十二年。桂嶺瘴來雲似墨，洞庭春盡水如天。欲知此後相思夢，長在荆門郢樹烟。」又種柳戲題云：「柳州柳刺史，種柳柳江邊。談笑爲故事，推移成昔年。垂陰當覆地，聳幹會參天。好作思人樹，慚無惠化傳。」亦可想見柳侯在柳州之伊鬱善感也。聞其祠故燬損於兵燹，白健生將軍嘗駐節柳州，因捐廉修復之時，已入暮，乃乘小艇渡江而回。容與中流，仰觀明月，涼風拂面，夜景宜人，爲之流連不忍去。抵民生旅店，已

九時許，復與義雄清談，宵深始睡。

五二 從柳州啓行

廿九日天未曉，同人已紛紛起牀，蓋不知何人，步履奇響，咸爲之驚醒也。五點半啓行，與義雄握手道別。晨光熹微，曉風習習，精神爲之興奮。未幾，過三門江，木船頗大，汽車三輛，同時渡河。旋行山谷中，俗稱九曲十三灣，地勢險要，昔爲土匪行劫之地，自民團訓練，防守周密，行旅安之。復過平原，有打虎碑，百年前有土人某，奮力過人，日擒三虎，爲民除害，鄉人勒碑紀念之。惜未下車一讀碑文耳。沿途公路電綫柱上，有木牌，張貼廣西省政府佈告，文曰：「禁止放火燒山，違者鎗決」等語。蓋昔多虎患，鄉人習慣，每將山林放火焚燒，使虎無藏匿之所。方今積極造林，故宜禁絕也。七時十五分過雒容縣，卽渡江，水淺艇小，汽車分次渡河，耗時甚多。至七時五十分復行，公路不平，車行顛簸，沿途民團防守。八時渡脚板州，昔多土匪出沒，渡河復進，遠望有文塔，礪樓商店圩市，是爲鹿寨，已屬榴江縣矣。車再前行，過留蔭亭，昔爲行旅憩息之所，有聯云：「千里征途，此地暫留名利客。十年植樹，他時長蔭往來人。」頗爲工整，因錄誌。

之。九時二十分渡榴江，道路稍平，村落亦衆，江上石橋，僅築及半，已告停工，未悉何故。土人說話，操客家語，多戴大草帽。登車過進，兩旁小峯，頗爲雄秀，車馳高原之上，而入山谷中。良田美池，佳木修竹，泉聲鳥語，若相唱隨，疎落山村，點綴其間，男女種作，怡怡自得。十時三十分過三江，已屬修仁縣。中途見獠民男女，從事農作，服裝奇怪，聞係熟獠，已與漢人習處。若生獠深處山中，不識漢語，尙未開化。桂省府極注意獠族同化問題，曾由教育廳派人入獠山宣導，成績頗好。獠山土地豐沃，周圍八百里，物產極富，祇缺食鹽，若能同化合作，發展未可量也。又過修仁烈士公墓，未悉烈士何人。至此道路頗平，傍開空地，爲飛機迫降場，以備飛機有事能下降於此。聞此地素多匪患，三年前，建設廳長伍廷颺過此，行李車先行，亦被劫去，並斃司機一人，今已肅清矣。十一時過荔江，已屬荔浦縣。汽車三輛齊渡，所見諸山，孤峯聳峙，如獅如牛，如筆如人，無不隨心湊像。十一時半遠望石山環繞，中有文塔二座，矗立雲霄，宛如雙炬，已到荔浦矣。

五三 過荔浦平樂

荔浦距柳州三百里，而距南寧則九百七十五里矣。乃在集榮飯店午餐，先試果品，繼進飯菜。荔浦以產芋著，與沙田柚同爲桂省名產。芋大如圓枕，每個重五六觔，乃飽餐一頓，覺鬆甘可口，與尋常小芋不同。公路至此，又分爲二：北達陽朔、桂林，而至全州；東通平樂、鍾山，而至賀縣。十二時十分登車東行，渡荔浦河，道路稍平，石峯極多。一時廿分過平樂，自荔浦至此凡八十里。平樂爲縣治所在，依山爲城，以近西江，故有沿江氣習，市廛數里，商業發達，亦雄縣也。車渡撫河，水淺河闊，凡半小時始過。一時五十分復登車行。平樂產蕨最盛，每年出口約值四百餘萬圓。蕨之用途，可搓繩打線，織蕨布，造假羊毛。聞種蕨不須肥料，一年可有三四次收穫，故農民多以種蕨刮蕨爲業。二時四十分過容津，分次載渡，耗時稍久。三點復行，旋過華山，羣峯羅列，樹林夾道，車行林中，濃陰蔽天，風景幽美，山上亦多森林，此處民衆，不肯放火燒山，亦深知造林之利。二時廿分過同安圩，有同安區公所及商店數十間。三時四十分過車田河，艇小河窄，分次載渡。三時五十分過源頭圩，旋行木製長橋，橋下溪流，其聲潺潺，羣峯迎人，近濃遠淡，人立橋上，遠望斜陽夕照，滿目皆天然圖畫。毓騰下車攝影，以留鴻爪。五時過鍾山，羣峯聳峙，河水環抱。擬訪鍾山縣長歐越樵，聞在南寧未回，故不果。乃渡鍾山河，艇大河闊，三車齊

渡過此爲平原，道路廣長，松林滿山，土名松大寨。遠望姑婆山脈，綿亘甚長。旋過望高，山坡錫鑛凡數十處，堆土成阜，正在採掘中。又過栗頭、水岩壩、五拱水等處，皆產錫之區。六時已抵西灣矣。

五四 廣西鑛務局富賀鍾辦事處

西灣屬鍾山縣，距平樂凡二百八十八里，距荔浦則三百六十八里矣。廣西鑛務局駐富賀鍾辦事處，在西灣山上。前清末年，兩廣總督張鳴岐，因西灣產煤，煤質甚佳，煤量甚富，故爲發展西灣煤鑛計，特派道台爲鑛務總辦，設局西灣，辦理開鑛事宜。今之辦事處，即昔日鑛務總辦之局所也。當時撥款興築，凡十餘萬圓。屋宇宏敞，樓上大廳，陳列鑛物標本，兩傍臥室四間，又左爲辦公室，其後爲飯堂、宿舍、廁所、浴室，再上一層爲主任住宅，樓下爲護鑛隊住所，及軍械儲藏室。山下花園，佈置整齊，山上碉樓，防守周密。黃局長邀余等下榻於此，乃沐浴更衣，整理臥榻。晚膳既畢，羣集樓台，抵掌談天，精神愉快。辦事處主任陶紹勤，鬱林人，留學德國，習鑛科，富有地質學識與鑛務經驗。並晤辦事處員雷恩雨（劍）、李耀初、邱家麟、張光夏、廖仕

新諸君，夜間氣候頗涼，僅八十度，惟蚊蚋紛集，嚙人至痛。余憑欄遠眺，明月照人，蟲聲聒耳，天低野曠，山色雲光，而水車之聲，自遠傳來，有如管絃啾啾，別饒奇趣。靜坐三更，馳思萬里，對茲夜景，能無感觸於懷者乎。

五五 桂省鑛產概況

桂省鑛產，頗爲豐富，往者官辦之鑛，有富、賀、鍾、及丹池之錫鑛，現將鑛區開放，任由人民照章呈領開採，以期啓發富源，而裕民生。計自二十年七月起，至二十二年三月止，各商民先後呈領鑛區經核准給照者：桂平縣有普利、餘福、普益、美成、長發、建業、天財各公司請採錳鑛，利民公司請採磁鑛；奉議縣有星鑫、民生、天成各公司請採金鑛；武宣縣有戴文雄請採鉛鑛；賀縣有普益、合利、永盛各公司請採錫鑛；陸川縣有維廣福、楊壁香請採錫鑛；桂林縣有瑞金公司請採鉛鑛；鍾山縣有普益、恆源各公司請採錫鑛；平南縣有興利公司請採錳鑛；武鳴縣有富桂、宏發各公司請採金鑛；南丹縣有羊角公司請採錫鑛；宜山縣有利生、明德各公司請採錳鑛；遷江縣有同德、同福各公司請採煤鑛；百壽縣有民生公司請採鉛鑛；邕寧縣有維里

公司請採金礦。上林縣有地利公司請採金礦。其餘尚有商民請領鑛區，經由建廳派員勘明，准予領採，而未據繳款註冊者頗多。足證年來商民領採鑛區，頗形踴躍。預料桂省鑛業前途，當有發展希望。

五六 發展富賀鍾錫鑛計劃

桂省富賀鍾錫鑛，鑛脈綿亘，迤邐跨於三縣。產地之廣，達千餘方里。歷年經人工採掘者，約佔百方里以上。驗其所產錫砂，純質成分約八成二分強，產地每立方尺所含錫砂，由六錢以達一兩二錢不等，產量甚佳。且產地居於賀江上游，水運有賀江之便，陸運有平賀公路轉輸。益以山脉雄厚，水源不竭，材木燃料，足供設備施用機器鑛場，誠大有開採之價值。桂省政府曾於十四年省政統一後，設立富賀鍾鑛務整理處於鍾山之西灣，從事探採。迨十五年建設廳成立，該處即直隸建設廳指揮，但適值地方兵燹之餘，其整理辦法，先召集爐戶砂丁，放款收砂提煉，並將錫利修築公路。嗣復改良探鑛採鑛方法，購辦探鑛機、蒸汽發動機、砂泵機各三架。一面實施探鑛，一面籌設模範錫鑛場於水岩壩。十七年夏間，該鑛場實行成立，開始

用機採錫，每月出砂頗旺。再復改良提煉，提高純度，以利推廣。至十八年受軍事影響，乃歸停辦。二十年重行恢復整理，設立富賀鍾鑛務委員會，將以前政府對於收買錫砂及提煉之專利，與包商承辦所採掘之鑛砂買賣，概採開放政策；且力謀設法獎勵，予以種種之便利，以期發展。廿一年復感於政府專辦難以發展，已將水岩壩模範鑛場，訂批與賀成公司開採，定爲官商合辦。至富賀鍾鑛務委員會，亦改爲建設廳駐富賀鍾辦事處。本年建設廳裁撤，鑛務局成立，該辦事處改隸鑛務局矣。查富賀鍾三屬鑛區，現在每年共出產純錫五十餘萬觔。產地共十餘處，除水岩壩模範錫鑛場一處批與賀成公司外，其餘各處，仍可批與人民開採經營。

現聞黃局長以富賀鍾錫鑛，其產量爲華南之冠。惟地方人民，資本有限，購辦開採錫鑛之機器困難，以致遲遲未能發展。現爲增加生產計，擬在富賀鍾，設二千五百啓羅華特之電力廠，俾採鑛機器之發動力，得以集中。依照鑛業專家探驗，富賀鍾三縣錫鑛區域，約千餘方里，包含錫砂約值四萬萬圓。若電力廠之計劃完成，每年可開採錫量約值一千五百萬圓，惟富賀鍾產煤有限，故所計劃之電力廠，不能太大，祇以二千五百啓羅華特爲額。建築及機器全部約需毫銀九十六萬圓，加採煤經費約四萬圓，合共預算經費一百萬圓。經擬定計劃，呈

請省政府察核，是亦大規模之開採計劃也。

五七 發展西灣煤礦計劃

西灣煤礦，在礦務局辦事處之後山，地名大廠。清季開採甚盛，每日出煤三百噸，規模頗大，起重抽水，俱用汽機，運輸則有輕便鐵道，直達西灣河邊。民國初年停辦，復經兵匪之變，機器毀壞，井口湮沒。該處煤層，厚五尺至丈餘，欹斜約四十度。前清開有直井深三百尺，用房柱法採煤，先從底下開採，自下而上，故今上部仍多未採之煤。且據德國鑛師言，此地鑛田，以西灣為中心點，面積六十方里，若每日出煤三百噸，可供八十年開採。煤為烟煤，質堅硫少，揮發性甚富，固定炭亦高，可煉焦煤，為工業上之極好燃料。現在該鑛多由商人自行經營，概用土法採掘，成效幾微，不若運用機器鑽探，以利器開採，較易發展也。

五八 賀成錫鑛公司

三十日晨起進膳。七時，余等乘汽車赴水岩壩。先到賀成錫鑛公司參觀，由潘海雪導觀。

各處。昔爲廣西建設廳所辦，名爲水岩壩模範錫鑛場。今由鄧澤如等接辦，是爲官商合辦。其辦事人多屬南洋華僑，富有錫鑛經驗者。民國廿一年十月一日接收，鑛場佔地四百餘畝，基本工人三百餘名，其餘散工一千三百餘名。包工開掘，每井一圓二角，散工每日給值二角。每日可出錫米八百擔，每擔爲百觔，現值時價每擔小洋二百四五十圓。除納稅運費等項外，每擔可盈餘小洋一百四五十圓。所採錫米，有七十分以上爲錫，餘爲銅鐵雜質。鑛場用砂泵採法，深三十尺至五十尺，機房用本處西灣煤炭爲燃料。其錫米輸運，由水岩壩運至賀縣八步，以船載運，循賀江至封川江口，入廣東都城，轉至廣州發售。現在錫價頗好，亦利藪所在也。潘君款以午餐，肴饌豐盛。席間晤談，余勸賀成公司多做善舉，爲地方謀公益，聯絡當地人士感情，如南洋兄弟煙草公司前總理簡照南所云，取諸社會還諸社會之意，潘君等甚以爲然。

五九 普益施仁錫鑛公司

午餐既罷，梁澤民來謁黃局長，乃引導至普益施仁聯合錫鑛公司參觀。該公司去年開辦，計已報領鑛區十處，今僅開辦一處。此區鑛場共三百餘畝，亦用砂泵採法，工人五百餘名。

經理梁長海及梁柱臣，多從南洋回國，蓋彼等在南洋受世界經濟恐慌巨潮所打擊，轉而向國內實業投資，其精神魄力，誠足令人欽仰。該公司每月可出一百五十擔，其運法亦由八步出賀江至都城而轉廣州。初為普益施仁兩公司，其後合併。聞股東內部，頗不一致，意見甚深，恐將來不免多事耳！參觀竟，即乘車赴八步，距此約十五里。八步為賀縣之圩鎮，其出口之貨物，皆由賀江出都城。蓋都城處梧州下游三水之上，再由都城上運至梧州，或下至港粵，故賀縣與廣東經濟關係，異常密切也。

六〇 平樂區民團指揮部

平樂區民團指揮部，設於賀縣八步，即昔日桂軍將領沈鴻英大屋內。余等投刺請見，適指揮官蔣如荃出巡未回，由副指揮官岑孟達招待一切。內部有指揮官、參謀、秘書各辦公室，規模整齊。茗談良久，岑副指揮官導觀幹部訓練第二大隊，有指導官室、寢室、閱報室、飯堂、儲藏室、診治室等，設備完善，佈置清潔。聞原為沈鴻英產業，擬建民房，兩排相對，地方寬敞，故借為幹訓隊部之用。是日民團指揮部印發刊物，題為「悲壯的五月各紀念日告同胞書」一闕。

於國恥的警告，紀念日的史實，及紀念在於力圖自強，發揮盡致，淋漓痛快，亦有價值之文告也。

六一 賀縣八步五卅紀念

岑副指揮官邀余等同至賀、富、鍾、信四縣高級職業學校大操場，參加八步五卅紀念。到場者：民團部隊，學校員生，公務人員，社團民衆，凡數百人。賀富鍾文化中心爲賀街（賀縣城），而商業中心則推八步。故露天集會，民氣頗爲激昂。開會時，全體向黨國旗行禮，岑副指揮官宣讀總理遺囑，靜默三分鐘。繼由副指揮官宣佈開會理由，黃局長、陶主任相繼演說。副指揮官邀余登壇，余以陽光極烈，酷暑迫人，免累大眾久立，敬謝不敏。於是齊呼口號散會。是日黃局長演說，怒髮衝冠，大聲疾呼，誠足以喚起民衆。八步，一圩鎮耳，紀念國恥，熱烈若是，人心未死，國事尙有可爲，惟願吾同胞力圖自強耳！

六一 賀縣民衆圖書館

余等至八步公路車站稍坐，即乘車赴賀縣，去此四十五里。過蓮塘，兩面平坡，遍植松樹，聞此處錫礦甚富，惜未開採。旋過長橋，以木製成，橋木破壞，未能行車。橋架河上，水色紅濁，名里松河。洗錫之水流下，鄉人多在河中自由採砂洗錫，亦生利之法。乃步行過橋，俯視河水湍急，激盪有聲。至對岸賀縣第四區第一村村公所前候車，遂改乘長途汽車至賀縣河東鎮，乃下車從天后宮行，至拱星樓，過浮橋，橋以十餘小艇相繫而成，上架木板，聯以鐵練，橫跨賀江之上。乃至河西鎮，到中山公園，規模不大，設備無多，蓋以城門曠地，闢為園林耳。由公園入城，至民衆圖書館，訪主任高雁秋。圖書館藏書一萬餘冊，約值七八千元，報紙十餘份，附設陳列所，標本圖畫，土產古物，略具規模。有古磚一件，色如黃土，不知何代物，謂在河底拾得者。又有古銅鐘，重廿一觔，形扁而兩邊有棧，鐘口橫九寸直七寸，兩面有隆起小點三十六枚，每面十八枚，是為鐘乳，敲之，每乳聲音不同，鐘頂有紐，或是古代樂器，但不知何代古物耳。

六三 桂花井

賀縣桂花井，亦頗著名。相傳井傍有桂樹，桂花盛開，井水為香，故桂井傳香，為賀縣八景

之一，黃局長請高主任飭人汲水，烹茗試嘗，味甚甘美。乃同到南門街公共體育場前，一瞻桂花井古蹟。井深不見底，井口石欄，已成齒紋，蓋汲水之繩，磨擦井欄，歷時既久，故成此狀。井傍墻壁，碑刻頗多，乃歷次重修桂花井緣起，及捐款人名。考碑記：此井闢自明朝，當明亡時，清兵入城，遺民烈士，投井殉節者甚衆，故此井亦歷史上之遺蹟也。旋過賀縣政府、賀縣黨部、女子初中學校，街道整潔。乃出城渡浮橋，而至車站候車。適有售豆腐花者（豆漿），同人盡購之，各盡數盃，飽餐一頓，亦至趣事。四時半乘長途汽車，至蓮塘長橋下車，復步行過橋，乘來時原車，回西灣辦事處。中途有民團一人求搭車，其雨笠有「賀信民團特編後備隊」等字，黃局長許之，問其月俸幾何？曰：「大洋七圓，申小洋九圓一角，草鞋自備，制服另發。今赴八步受幹部訓練。」迨抵辦事處，沐浴畢，即進晚膳。倚欄眺望，明月初升，紅光萬里，頗呈奇觀。人生攘攘，至夜方休，對月清談，亦樂事也。

六四 籌築三賀鐵路計劃

粵桂兩省當局，為溝通兩省經濟運輸及發展桂省鑛產起見，決定兩省合作，興建三賀

鐵路由廣韶路局派技士，會同桂省府派員，作初次測勘路綫。現由該局草擬建築計劃，及預算報告書。查該綫定由三水廣三路綫車站之西爲起點，渡河經沙洲至黃崗、四會、黃田、東鄉、廣寧，繞廣寧城而至桂省之賀縣。路綫共長三百六十餘英里，中以三水渡河一段工程爲最巨，該橋長凡六百餘尺。其餘路綫所經，爲節省建築費計，遇有大山，均繞道避免。全綫約計建築費四千二百六十萬圓，其籌款方法，由粵桂兩省自行擬定，四年即可完成。現桂省府以該路關係粵桂兩省交通經濟甚大，且賀縣鑛產甚豐，倘本路完成，則開發運輸，亦形利便。現兩省當局，會商籌措款項辦法。始照全段路綫核算，按照轄境路綫里數多少，分別負擔，則桂省方面，其轄境僅佔全段路綫三分之一。如由兩省平均擔任，則桂省負擔過鉅。現聞商洽結果，對於籌措築路經費辦法，仍歸兩省政府平均負擔。俟該路築成，即在貨客車費項下，酌爲附征，或在車利盈餘項下，按年提出若干，將築路墊款，平均分別籌還兩省省庫。現已籌商開築該路進行事宜，第未悉何時興工耳。

六五 姑婆山紀遊

卅一日曉起進膳。七時出發，一行十二人，先乘汽車至望高，距此四十五里。稍停再行，至尖蓬山，參觀恆源錫鑛公司。鑛場全在山上，從山頂開溝，引水流下，至低流處，以鋤挖砂，洗砂取錫，即天然金山溝也。聞每月可出四十擔，售價約一萬圓，除納稅費用外，可得純利五千圓，爲本處人所辦。山上面積甚廣，均已由該公司領照開採，規模雖小，獲利亦厚也。旋仍乘車至富川縣屬白沙，即停車步行，護鑛隊四名，攜盒子炮（駁殼）隨從，鎗枝外露，黃局長囑其放入盒內，謂不必虛張聲勢，足見其平民化也。未幾由山坡直上，山徑曲折，亂石縱橫，扳登頗苦，越山坳而過，約五里之遙，羣在山上休息，汗流如注，氣喘如牛。陶主任謂：「由白沙至此，高有五百英尺。」查西灣距海面一千英尺，望高距海面一千三百英尺，白沙距海面一千二百英尺。則此山距海面已一千七百英尺，是即姑婆山脉也。稍息再行，向山坡斜下入山谷中，曲折盤旋，過沙龍涌、茶涌、鷄婆涌，均村落散佈，人家三五，操客家語爲多。山中居民，採錫爲生，兼營農事。鷄婆涌山頂爲黃金界，與湖南省境相連，可望湖南之白草營，蓋姑婆山北界湖南也。山中居民，烹茶款客，殷勤可感。乃憩坐其茅舍之外，涼風徐來，精神復振。再行至黃塘，憩於林下，山徑碎石，類多鐵質。旋上山坡，復登山巔，古樹雜出，山徑紆迴，至老欄涌，屬鍾山縣界。陶主

任云：「此處高出海面二千七百英尺。」考姑婆山脈最高之峯，高出海面七千英尺，然則余等登未及半也。再前行，山勢起伏，叠如波濤，至桃子窩，乃憩於義合錫廠。廠爲棚製，設備簡陋，外廳內室，室設榻三，黃局長與茂菁、吉慶，各據其一，疲極難動，蓋至此已行四十餘里。余渴甚，盡量飲茶，惟衣盡汗濕，頗不能耐。時望高事務所（隸西灣辦事處）已準備飯菜，飭人挑至，同人喘息既定，乃進午餐。雞肉鮮美，腐竹湯亦頗適口。惟竹箸瓦盃，並以鹽水代醬油，是亦山中之簡單生活。飽餐之後，精神煥發，余立門外四望，峯巒環拱，若俯若伏，若迎若語，莫不侍列其側。二時復行，微雨迷濛，氣候轉涼，既登山嶺，復下斜坡，崎嶇轉折，又復汗如雨下。過甘竹涌，全屬何姓，操客語。再入山谷中，羣峯環抱，鳥道縈迴。忽有巨石，橫架兩山，其下爲大洞，可通行人。洞下溪流，水色深紅，蓋挾洗錫砂之水而流下，此地名穿岩。余等坐洞內溪邊，仰望巨石懸空，恍若橋樑，石乳下垂，形狀不一，此洞可容數百人。山風吹來，暑氣全消，惜在高山深谷中，僅山上居民，間有往來，若在通都大邑，一經名人題詠，又成名勝之區矣。復穿洞而行，至鐵樹坪，疏落村居，點綴其間。沿途所經，均產錫之地，多未開採。又上山巔，履巉岩，披蒙茸，曲折而登，據石而坐，既登峻嶺，又過山坳，而行半山中，羊腸鳥道，曲折紆迴，俯視山下，萬丈深潭，野樹人家，

稻田菜圃，依稀可辨。吉慶告余曰：「不可俯視，恐目眩足軟，則墜深谷中矣。」再過山坳，爲廖子井，山居三五，散處其中。旋至出水壁後窿，環以竹籬，進內稍憩，見壁上懸掛濟和錫鑛公司佈告，有老者主其事。據云：「所謂窿口者，因錫砂在山脉之內，須從山口開一窿，進內開採。窿內有水源可以洗砂者爲水窿，錫砂須以水沖洗，故水窿較旱窿爲佳。此窿爲水窿，深五十丈，窿內曲折，可容千人。自後窿通至前窿，凡八里之遠，光綫雖暗，空氣尙通。鄉人向錫鑛公司領證，然後入窿開採，所得錫砂，售與錫鑛公司。」黃局長謂：「彼曾入窿視察，先脫帽而入，次則脫外衣，再則脫內衣，終則赤身露體而出，蓋愈入愈深，則泥漿愈多，全身污穢也。」復向山坡斜下，路石崎嶇，步履維艱。未幾下平坡，而至望高。過木橋，卽至望高事務所。計由桃子窩抵望高，已三十餘里，則今日之行約八十里矣。時已五時半，乃乘汽車回西灣，中途大雨，橫掃而來，雖衣服被淋，而氣候涼快。抵辦事處，卽沐浴更衣，精神爲爽，但足腿酸痛，行動不自如。是晚，賀成錫鑛公司邀宴於八步臨江樓，余等聯袂赴宴，潘海雪、李英殷勤招待。客凡三席，多屬各錫鑛公司人員，席間所談，皆屬錫鑛範圍。十時返西灣辦事處，各人皆倦極欲眠矣。

六六 西灣休憩

六月一日六時起床。進膳既畢，準備出發。賀縣屬新村坪。從半路圩登山，考察鑛區。聞是日路程，除汽車可達外，仍須步行七八十里。余與茂菁、君葆，以足底皮破，未敢再行，乃在辦事處休息。陶主任夫人下樓晤敘，出唱機以娛賓。夫人爲德國人，與陶主任結婚七年，生兒女四。回國二年餘，能操粵語，頗流利，亦聰明女子也。是日天氣晴和，山光明媚，余倚欄遠眺，祇見溪流環繞，衆阜排羅，景色清幽，山居寂靜，好鳥鳴樹，岩花媚人，恍如在福州鼓嶺別墅中避暑時也。午間，雷恩雨、李耀初約余等乘車赴八步臨江樓品茗，茶點尙佳。隨到八步事務所稍憩，遂登車返西灣。夕陽西下，黃局長等踉蹌而回。是夜，普益施仁公司仍約宴於八步臨江樓。梁長海、梁柱臣、梁澤民殷勤接待，酒闌客散，回西灣已十時矣。余決明日與君葆赴桂林，黃局長派謝祕書伴遊，固辭不獲，意氣懃懃，至可感也。

六七 從西灣啓行

二日曉起，準備行裝，六時早膳。大雨如注，氣候頗寒，視寒暑表僅七十度，山中氣候，亦可異已。黃局長等今日仍赴鍾山縣屬考察鑛區，冒雨過征，不辭勞瘁。七時，余等乘車啓行，沿途風雨交作，寒氣特甚，幸加羊毛內衣，足以禦冷。八時十五分過鍾山，即渡河，道路泥濘，車行頗簸。九時四十五分過車田，天雨渡河，頗以爲苦。十時半過容津，天色開晴，氣候和煖，渡河復行。十一時十分過平樂，渡撫河，艇行遲滯，須四十分鐘始達對岸，即登車行。十二時五十分過荔浦，渡河後，即至集榮飯店午餐。一時半登車北行，未幾過馬嶺，復渡河。此地以產桃著，購嘗數顆，味甚鮮美。自此以上，車行山中，峯巒環繞，目不暇接。二時半過青厄渡，此去陽朔僅十二里。河濱山水之秀麗，非筆墨所能形容者。

六八 過陽朔

過青厄渡後，車行未久，沿途山景，形狀不一，如牛角，如修竿，如高旂，如文塔，千山萬壑，怪狀奇形。向以爲吾國古畫山水，或有幻造，今親歷其境，可見山水秀峭奇特，是有由來。二時五十分過陽朔縣城，繞中山紀念堂及公共體育場，而至同善亭。復向上行，羣峯環抱，樹木茂盛，



中 途 朔 陽 二 一 圖

行旅往來，饒有畫意。諺云：「桂林山水甲天下，陽朔山水甲桂林。」當非虛語。三時過白沙，已為平原。公路廣闊，整齊可觀。至此經過村落頗多。四時過良豐，乃至十里坪桂林林墾區署，訪區長章景光（瑞星）。聞彼赴師範專科學校，故未停車。

六九 桂林林墾區

章景光即章洽羣介弟，習農科，富於農林經驗，被委桂林林墾區區長。查該區民國二十一年三月成立，其林場在離桂林五十里之良豐十里坪，除查




圖 一 三 良 豐 花 園

荒放荒外，尙任育苗造林工作。現在已經開墾者，有面積七十八畝，均播種樹木種子。至於人民請領荒地，經該區署派員勘明，確係官荒，呈請給照領墾者，共一百零八畝。其餘各處荒地調查，亦已次第舉辦，此亦韋君之成績也。

七十 良豐花園

余等即赴良豐花園。此園爲前清咸豐年間唐子實所建，其後人以贈岑西林（春萱）岑又以歸公，改爲公園，故近公路之後門，有「西林公園」四字。今省立師範專科學校設於園內園

周約十里，山水悉圍於內，峯巒聳翠，岩洞通幽，山石玲瓏，長廊曲折，曲橋流水，石徑長松，小閣窗明，高樓簾捲，其結構頗似頤和園。而突泉一曲，噴雲捲雪，勢如怒潮，尤為奇觀。雖亭館失修，然建築之精，隱約猶見，若依其遺構，加以經營，足為八桂之冠也。

七一 廣西省立師範專科學校

師範專科設於良豐花園，謝祕書介見校長羅爾棻，適韋景光亦在座，晤敘甚懽。查該校自民國二十一年三月籌備，八月開學，至二十二年二月始告完成。桂省近年極力發展鄉村小學教育，故須養成多量師範人才，蓋從前師範學校或高中師範科畢業者，人數無多，支配不敷。且未受過改造鄉村社會發展小學教育之訓練，多有不願深入鄉村任事者，故為適應目前社會之需要，經在各縣成立鄉村師範學校。然欲訓練辦鄉村教育之人才，故特新辦師範專科學校。現有師範專科四班（高中畢業後投考），鄉村師範二班（初中畢業後投考），學生二百二十五人，教員十五人，全屬專任。男生佔多數，女生僅八人，均寄宿校內。教員外省為多，眷屬亦住校內。全年經費約十一萬圓。羅校長導觀校內各處，有講堂、飯堂、寢室、圖書

館、儀器室、標本室、學習室、體育場、軍訓處、製儀器處、製標本處、農業館、校長辦公處、教員住宅等，設備完善。園內稻田，亦由學生實習。前門有校警守衛，懸木牌二方：一為「廣西省立師範專科學校」，一為「附設鄉村師範部」。至圖書館藏書共一萬五千餘冊，雜誌亦數百種。學生借書，以社會科學者為多。惜線裝古書，殊不多見。學生勤樸耐勞，無頹廢浪漫奢侈之習氣，亦可嘉也。

七二 到桂林


參觀既竟，已屆五時，即約韋區長同車赴桂林。過良豐圩鎮，車行小巷，令人驚險。沿途風景秀麗，習見之後，轉覺平易。又半小時，已抵桂林，即入南門城，止於桂林飯店。自荔浦至此，凡二百四十里，若由南寧直抵桂林，則一千二百十五里矣。

桂林為始安故城，漢置縣，吳為郡，梁後皆曰桂州，宋南渡為靜江，明為桂林，清因之。城在灘江西三里餘，唐總管築有門四；宋余靖平儂寇後，築有門六；王安石有記。唐蔡襲築有門八。夾城在外城之北，周六七里，唐都督陳環所築。獨秀峯及桂嶺，皆在夾城中，遺址今多不存矣。

明太祖洪武三年，封其兄之孫守謙為靖江王，開府桂林，建府邸於夾城內，故俗稱王城。近年開闢馬路，僅有南門一段，鋪以石砂，寬廣整齊。其餘內街，都為舊式。民居屋面，瓦片平鋪，與江浙相似。而語言風俗，亦與湖南相近，蓋習俗已離粵化矣。

桂林山水清淑，自省治遷南寧後，經濟日形凋敝，又屢值軍務，人民生計，殊感困難。昔為全省文化中心，人文稱盛，如陳文恭（宏謀）之學術，朱伯韓（琦）、龍翰臣（啓瑞）之文章，皆其著者。現當局以桂林為文化所在，亦名勝之地，特設立桂林市政處，從新規劃。舉辦建築道路、溝渠、公園、市場、堤岸、碼頭、橋梁、水道各項工程，經已積極進行，以期達到文化區風景區之目的。吾人當拭目俟之！

桂林名勝古蹟甚多：桂山有桂臺、疊彩岩、北牖洞、景風閣諸勝。獨秀峯有讀書岩、太平岩、雪洞諸勝。伏波山有還珠洞，中有米襄陽像及刻石，遊時須用小艇（均城東北）。華景山有華景洞，多石刻（城西北）。隱山俗名老君洞，有朝陽、夕陽、南華、北牖、嘉蓮、白雀六洞（城西郭）。七星山有元風洞、棲霞洞（即七星岩），洞內巨石倒掛，百怪千奇（城東三里）。鎮南峯刻有唐大曆平蠻頌（城北）。虞山有帝舜廟碑（城北一里）。尚有伏牛山（城西二里）。



門頭高中林桂 四一圖

許)劉仙岩(城南二里)月牙山龍隱岩(均東門外)均多勝蹟。第恐稍駐行蹤，未及暢遊耳。

七三 中山公園

獨秀峯

行裝甫卸，聯袂出遊。馬路適有人力車，即各乘其一，車爲新製，途人注目。乃問車夫，始悉人力車公司今日成立，初次行車，故人以爲異。先入王城，過省立第三高中學校，即明代靖江王府，孫總理曾駐節於此。又過省立第二女子初中學校，省立圖書館，規模宏壯，惜爲時將晚，未及參觀。王城內有景福樓，在第三高中學校南，即明靖江王府之南樓。

也。樓之北有三元及第坊，嘉慶二十五年庚辰，爲三元陳繼昌建。繼昌號蓮史，陳文恭公宏謀曾孫蘭森之子。曾以三元及第，開有清一代科舉制度之新紀錄，士類榮之。三元者，嘉慶十八



圖一五 獨秀峯遠景

年癸酉鄉試第一爲解元，二十五年庚辰會試第一爲會元，同年廷試一甲第一爲狀元也。


旋至中山公園，園廣數里，紫金山卽在園內，以其拔地孤起，高聳千仞，故曰獨秀峯。桂林風景，所謂「獨秀煙嵐」者也。昔靖

江王建王府，以紫金山下諸地，鑿池築館，蒔花種魚，以爲北苑。朱邸四達，崇垣繞圍，蒼翠所及，皆爲禁地。故明徐霞客千里南遊，未能登覽，引爲憾事！實則桂林附近，類此山者極多，此緣在

城內以罕見珍耳。民十三年建爲公園，所以紀念孫總理者，獨秀峯平地拔起五六十丈，有石級三百餘，盤折而上，可以造極，岩阿石隙，盡是題詠。其讀書岩上，有刻崖大字，一曰：「南天一柱，（行書徑約一丈）海州黃國材題。（行書徑約尺餘）」黃爲漢軍旗人，康熙五十一年任廣西布政使時所題。一曰：「紫袍金帶，（行書約七八尺）道光二十五年春二月華亭張祥河書。（真書徑尺餘）」張字詩舫，江蘇華亭人，任廣西布政使時所題。一曰：「介然獨立，（草書長九尺寬七尺）道光二十六年十月望督粵使者宗室耆英。（行書徑一尺許）」耆英字介春，前清宗室，督兩粵時所題。一曰：「峨峨郭邑間，（隸書徑二尺）福州梁章鉅書。（真書徑四寸）」梁字葢林，福建長樂人，道光間任廣西巡撫時所題。皆勒題崖際，高在五丈以上。石磴迴旋，如螺紋然，一登峯頂，全城在目。有亭三，爲遊人憩息之所。近人題壁云：「一柱鎮南天，登臨四望懸。風雲生足下，星斗落胸前。拔地山千仞，環城水一川。憑高登長嘯，聲徹萬家烟。」此詩寫景頗佳。宋顏公讀書岩，空明軒敞，考宋顏延年曾守茲郡，嘗賦詩云：「未若獨秀者，峨峨郭邑間。」嘉名之得，蓋肇於此。岩上有夫子畫像，與坊間先聖像相似，題曰：「朝夕瞻敬，永保無荒。」蓋元人黎載，丁方鍾所刻石也。讀書岩中，多唐宋以還遷客騷人題。

刻模糊莫辨。山之陽有臺榭，瓦垣廢頽，不可以登。旁有廣西巡撫張聯桂刊慈禧皇太后御書「壽」字一方，徑五六尺。並作頌曰：「天賜純嘏國之慶，寶翰下賚龍鸞翔，磨崖深刻垂無疆，千秋萬歲樂未央，物不疵厲人民康。」時爲光緒二十一年三月也。聯桂督粵，頗能主持風雅，其修雙忠亭，追懷明末孤忠，有足多焉。既下石磴，繞山麓行，近月牙池邊，仰視崖際，有新刻「血淚斑痕」四字，其旁有跋爲「中華民國廿一年四月二十五日午時，武德師長覃夫人李午生女士投崖處，柳州黃友琴泐石。」未悉覃師長夫人何故在此投崖耳。

峯後月牙池，九曲橋橫跨其上，風清月白，柳媚桃妍，枕石偃香，倚欄照影，亦有瀟灑出塵之想。池旁有仰止亭，門懸一聯，文曰：「小築正宜邀月到，古人不見想山高。」丙寅人日譚延闓書。舊有魁星閣，改建中山紀念堂，供孫總理遺像。門外兩傍，有乾隆御筆詩碑刻二方。餘如雙忠亭，環秀亭，太平樓，或舊蹟重修，或畫榭新建，皆有可觀。袁子才登獨秀峯詩云：「來龍去脈絕無有，突然一峯插南斗。桂林山形奇八九，獨秀峯尤冠其首。三百六級登其巔，一城煙火來眼前。青山尙且直如弦，人生孤立何傷焉！」亦寫景之作也。遊興既闌，循馬路而出。韋區長約於天然飯店晚膳。桂林以產葶藶（俗稱馬蹄）著，而辣椒、腐乳、豆豉亦馳名，乃飽嘗之。遂



圖一六 象鼻山全景

返旅店，與諸君暢談。謝秘書曾任恭城縣長，爲述彼邦風土人情。韋區長亦談其林墾狀況，

娓娓動聽。夜靜風涼，樂而忘倦。

七四 象鼻山

水月洞

三日晨光熹微，已聞馬路上隊伍步伐聲，蓋號炮初鳴，全城波動。師部軍隊也，民團後備隊也，高初中軍訓也，幹部大隊也，公務人員也，咸須早起，接受軍訓。耳之所接，軍歌樂號；目之所視，長槍大矛。各呈奇觀，令人讚歎。余等亦準備出遊。

出文昌門東南半里，過桂林市政處苗圃，遊灘山。此山空立水濱，厥形如

清風徐來可以觀魚可以濯足水月洞中昔賢題咏，琳琅滿壁。明盧仝《水月洞詩》云：「空岩





圖 一 七 灑 江 支 流

象掀鼻，俗稱「象鼻山」。唐常侍元晦，改曰「宜山」。上有石塔，遠觀似一瓶，關係元代建築。灑水經其東麓，陽江繞其北崖，橫障江口，引奔瀾東注，有北招伏波南與門鷄雉山并力扞江之狀。其西爲訾家洲，桂林風景所謂「訾洲煙雨」是也。明初師圍靜江，別將朱亮祖屯兵於東門外象鼻山下，卽指此地。

山之東麓，半枕江中，天然剜刻，成一大洞，透徹山背，高十數丈，其形甚圓，望之端整，如大月輪，故名水月洞。大月輪之中，又有小規，穿山而南，人坐規中，

開滿月，浸濯水中天。皓魄千山白，虛空萬古懸。七星光獨朗，八桂影爭翩。我欲從真窟，閒中一弄丸。」又有宋人刊陸放翁詩數首，曠達朗豁，沉吟久之。崖上有皇朝中興聖德頌，紀平洪楊之功，高在數丈之上。有陳




洞水月之山象 圖一八

向元題「白搏九先生釣游處」磨鏡猶新。余等復過橋至對岸特別區（即妓院賭館烟寮酒樓集合之地，近已改稱特察里。）隔江回望灘山，確肖象形，洵奇觀也。

門鷄山、雉山在城南

五六里，左右對峙，狀若揮羽相搏，故名。標竦烟雲，麓插江潭，立此遠觀，上亦有一塔，似有七層。聞昔唐宋人多於此送別。今山徑荒蕪，荆棘高與人齊，有「久無冠蓋至，荒徑爲誰除」之概！



橋 浮 濟 永 九 一 圖

惜此行時間匆遽，未及往遊耳。

七五 浮橋 花橋

自特別區過定桂門，出水東門，渡浮橋。橋以木船五十艘，聯結爲之。兩岸植鐵柱，有鐵纜二，各長百餘丈，橫亘舟上，牽舟於纜，縛纜於柱，上架木板，以通往來，長虹臥波，蔚爲勝觀。再經市鎮，而至天柱橋。

天柱橋爲九孔巨製，舊名嘉熙橋，俗稱「花橋」。桂林風景所謂「花橋烟雨」是也。東崖有小山，平坡突起，高約五六尺，大可五十圍，形如礎柱，故名。

天柱爲明景泰七年知府何永全所建，架木爲橋。嘉靖十八年傾圮，靖江安肅王徐妃，山內帑，易木爲石，曲檻環繞，履道坦平。清朝以後，歷有重修。光緒十八年湖南黃興科增建橋上兩亭。昔灘江支流，徑經其下，名小東江，湍激洶洶，行者多望洋之歎。實東郭要津，故有此大建築。今橋下水半涸淺，積淤日高，已爲售葶薺（馬蹄）圩市。橋上石碑，豎立成列，皆紀歷次重修事實。有清李紱勸農過花橋詩云：「一雨東郊野色遙，勸農小隊度花橋。水田稻葉深如許，耘女連畦綠過腰。霓旌小住戒無譁，愛看村莊近水涯。惟有春歸農事急，花橋纔賸兩三花。桑麻鷄犬故園情，餉婦耕夫作隊行。莫把宦情比農事，夕陽如霧小橋明。江城宛宛倚晴江，水色山光杳靄中。記取勸農歸路好，花橋西去小橋東。」亦足紀其勝景也。

七六 普陀山 七星岩

再行三里，至普陀山，又名棲霞山，有棲霞寺，桂林風景所謂「棲霞晚照」是也。唐代所建，舊址無存。清順治八年，楚僧渾融復建。山水繞環，竹樹掩映，原爲一府勝遊之地。光緒十八年巡撫張聯桂重修。拾級而登，有「超塵淨境」四字，其聯云：「山居聽月，門近棲霞。上元丁

已孟春徐澍蘭題。入門有「叢翠堂」，民國十七年七月白濟倉題額，其楹聯爲馬君武所撰，文曰：「城東佳境，常繞夢魂，歎半世飄零，遂與名山成久別。嶺表舊都，屢經離亂，望故鄉英俊，共籌長策，致昇平。」有跋云：「民國十七年夏，偕諸友人至桂林講學，別故鄉三十年，此爲歸來之第二次。俯仰今昔，感慨不勝，書此聯於普陀山以記之。邑人馬君武。」雙忠亭在棲霞寺東橋外，祀明瞿留守張督師於此。康熙五十二年巡撫張聯桂重修，並於棲霞寺東楹奉祀瞿張二公，以茅坪庵僧性因，棲霞寺僧渾融，臨桂義士揚藝，附祀其側。聯桂追懷孤忠，表揚先烈，有足多焉。

旋由古霞洞出（卽四仙岩），石壁刻「別有天地」四字。又有陳向元題刻「白搏九先生讀書處」於洞口。再登碧虛樓，上壁立亭，名人題詠，美不勝收。再至七星岩，有棲霞洞，可通南端。導者多人，束炬以待。洞內諸景，皆由石乳滴瀝凝結而成，類多像形，如獅、如象、如仙、如佛、如老人、如和尚、如蓮花，形狀不一。行半小時，出南端洞口矣。

七星岩山門題額，有「七星真境」四字。其聯云：「七曜靈光寄蒼野，二華仙跡留丹崖。」書法韶秀，不知何人手筆。七星岩昔人題詠極多。袁子才乾隆甲辰十月遊七星岩詩云：

「山外看青山，如把人皮相。入洞看青山，如抉人五臟。桂林諸洞皆崕呀，就中奇絕稱棲霞。窺
窿三里相綿延，以雲作地石作天。萬怪惶惑藏其間。晉文請墜從此入，良夫執火誰爭先？道人
持楸杵，賈勇作前導。指示淨瓶柳，羣蜂來作鬧。指示金鯉魚，龍門如欲跳。忽然老衲曬袈裟，忽
然漁翁掛箬帽。仙人牀冷竟忘歸，石柱擎天吹不倒。紂絕陰天既可疑，五公鑿谷猶堪笑。其他
獅駝蛇鳥可千餘，一一像形誰所造？我道諸名皆強呼，並非山靈有意相描摹。萬物有單複，山
川寧獨無，此是石婆石丈之心腹腎腸耳，遊人搜剔作巧屠。奇章雖愛那能輦，王宰善畫或可
圖。但恐一燈吹滅薪不繼，從此我輩幽宮永閉胡爲乎！納手捫心方自怖，隱隱東方一白露。雖
然報曉少鷄鳴，漸有微光開覺路。洞中久行目盡昏，僦僦爭往明處奔。誰知返射斜陽影，還是
懸崖不是門。」此詩描寫盡致，亦紀實也。


七七 月牙山

旋遊月牙山，在龍隱岩北。山不甚高，而絕頂一峯，挺若劍稜，又名劍山。半山之間，石室寬
平，石磴數十，崖室半懸，形如初月，故名月牙岩。桂林風景所謂「月牙波影」是也。寺卽在其

前，供觀音大士像，楹聯爲何鍵所題，文云：「覺來事事皆非，功勳耶，名望耶，無在不爲虛僞；看破了這關，軍閥誰作？貪官誰做？空處頭頭是道，喜怒也，好惡也，自然悉具中和；甚原夫此理，人心以平，世界以寧。」民國十八年六月何鍵敬書。乃登叢桂樓、飛霞閣、倚虹樓，憑欄遠眺，遠山近水，風景清幽。有楹聯云：「流水斷橋多畫取，煖風晴日有詩無。」光緒癸巳秋節鳳城羅炳勳題。月牙岩題詠亦多，明孟洋有詩云：「天設岩須古，月牙名自今。樹低千岸轉，洞敞萬峯侵。冠服承雲麗，笙歌落澗深。南州真勝概，北客此登臨。」亦紀勝也。

七八 龍隱岩

復出花橋下，行石碣，連亘頗長，凡百餘步，至龍隱岩。岩在七星山下，昔沒小東江水中。自花橋泛舟而至，石壁下有洞，門高百尺，鼓櫂而入。今則江水涸淺，積土日高，不能登舟矣。洞頂有龍迹天矯，若印石成文，其長竟洞，行一箭許，別有洞門可出。岩在洞側，山半有小寺。或曰龍影岩，以龍去而影存也。洞內石刻，有「破壁而飛」四字，光緒己亥雲南傅恩榮書。此外唐宋以還名人題刻甚多，目不暇接，亦有埋沒土中者，蓋洞下水涸，積淤成陸矣。清高層雲題龍



圖二〇 龍隱岩全景

隱洞詩云：「崩崖疑鬼鑿，靈迹想龍蟠。似疊千重雪，常生六月寒。」可見斯洞之奇迹也。

洞外石壁，刻有平蠻三將題名碑，高約丈餘。略曰：「大宋皇祐四年夏，蠻賊儂智高寇廣南，陷十二郡，據邕州。九月樞密副使狄青統兵南征，號十二萬人。明年正月，大破之，復邕州。二月班師，至桂林，詔換河中旌節，召還樞密。是役文武官員二百三十一員，今記將官以下姓名於左：三將者，第一將，「宣徽南院使，彰化軍節度使，荆湖南北路宣撫使，都大提舉，廣南經制賊盜事，狄青。」

第二將，「內園使，陵州團練使，入內侍省押班，充荆湖南路江南西路安撫副使，廣南經制賊盜，石全彬。」第三將，「秘書監，知桂州，充廣南西路都鈐轄，兼經理安撫使，廣南東西路經制賊盜，余靖。」其餘文武官員姓名，未能悉錄。

龍隱岩石刻，有宋徽宗崇寧癸未獎諭勅書。按崇寧二年二月，安化三州一鎮蠻賊，結集八千餘人作亂，程節領二千九百餘人大敗之。徽宗敕書獎諭，略曰：「蠻蜒跳梁，爲郡邑害。維予信臣，克奮威略。選用材武，提兵格鬥，斬首捕虜，厥功著焉。除惡靖民，嘉乃之舉。故茲獎諭，想宜知悉。」此刻乃崇寧二年五月二十七日，桂州龍隱岩釋迦禪寺住持傳法沙門賜紫仲堪上石。


又石刻元祐黨籍碑。按宋徽宗崇寧四年，蔡京專政，以司馬光、文彥博、蘇軾等爲姦黨，徽宗書之，立石端禮門，其初九十八人耳。旣而蔡京復大書頌郡縣，添入附麗者凡三百九人。略曰：「皇帝嗣位之五年，旌別淑慝，明信賞刑。黜元祐害政之臣，靡有佚罰。乃命有司，夷考罪狀，第其首惡與其附麗者以聞，得三百九人。皇帝書而刊之石，置於文德殿門之東壁。永爲萬世臣子之戒。又詔臣京書之，將以頒之天下。臣竊惟陛下仁聖英武，遵制揚功，彰善瘴惡，以昭先

烈臣敢不對揚休命，仰承陛下孝悌繼述之志。司空尚書左僕射兼門下侍郎臣蔡京謹書。」
 附列元祐姦黨文臣曾任宰臣執政者二十七人，曾任待制以上者四十九人，餘官一百七十七人，武臣二十五人，內臣二十九人，爲臣不忠曾任宰臣者二人。是刻爲宋故相梁公燾曾孫律所重勒，而吉州饒祖望跋之，以爲家世之榮。蓋前此一時之屈，而後此萬世之伸。彼蔡京者，憑天子命，謂足以貶斯人百世矣，不知反褒且遠也。

遊覽既畢，取道花橋傍登岸。橋邊售物者，高豎大油紙傘，以蔽日光，其大可容十餘人，排列成陣，頗爲奇觀。旋過浮橋，入水東門。未幾過敕建陳文恭公祠，卽崇祀大學士陳宏謀者。宏謀號榕門，雍正翰林，官至東閣大學士，卒諡文恭。著有五種遺規等書，以理學自任，實能踐履，見諸行事。內居輔弼，外蒞封疆，其建樹皆有關國計民生，不愧古之名臣。其祠內今附設桂林縣立工讀學校矣。時已向午，謝祕書約至秀峯飯店午飯，蓋旅館而兼酒樓也。

七九 伏波山 還珠洞

午飯後，遊伏波山，在城東北。孤標直聳，突起千尺，西跨城中，東枕灘水。有漢伏波將軍馬



山 波 伏 一 二 圖

援祠，亦曰伏波岩，與獨秀峯東西相峙。其自平地崛然兀立，亦復相同。岩傍水際，有還珠洞。穿鑿通透，牖戶傍立。有懸石如柱，去地一綫不合，俗名伏波試劍石。前浸江濱，波浪洶湧，日夜激齧之。桂林風景，所謂「伏波晚釣」是也。相傳昔有漁父，從穴深入，覩物如犬熟寐，旁有一珠，光明耀目，拾歸。或謂曰：「此龍珠也。」恐觸其怒，令還之，故名。或曰：「漢馬援征交趾，師還，載薏苡以歸，譖者謂所載皆明珠，受譴。軍次山側，援怒，傾薏苡於江流。故後人以還珠名洞。」後說近是。宋宗道傳詠以詩云：「銅柱威

聲懷有蠻，肯貪捆載，溷溪山。無人為起文淵問，端的珠還惹還？「其餘題詠，未能悉錄。現第七軍第十九師軍醫院，設在伏波山上。祠堂亭閣，悉為院舍，故未能窮其勝耳。」



洞 珠 還 二 二 圖

近人有以伏波將軍

祠非祀馬援，蓋謂伏波將

軍為漢時官爵，非馬援私

號。漢書越王趙佗傳：其中

紀呂嘉謀叛，衛尉路博德

為伏波將軍，出桂陽，下蒼

梧。可見路博德伏波將軍，

曾率大軍抵廣西，東下討

呂嘉。故疑伏波將軍祠，乃


祀路博德。但考馬援傳：紀馬征交趾二徵（徵側徵貳姊妹）事，初言浮海而進，至合浦登陸。

鑿山刊道千餘里，其後經過地方，多略不詳。查橫縣以上，多立伏波廟，橫縣以下則無。其廟碑

記，皆言馬奠定桂境。龍州寧明間班夫人廟碑記，亦言夫人贈糧助馬平。二徵南寧土司田州，（今奉議縣） 陀陵 （今同正縣） 兩屬，亦謂係隨馬有功封邑。雙溪麗江間之伏波兵伏波，城，橫縣伏波灘之馬人，（灘北岸立伏波廟，馬人聚居附近，自謂先世隨馬流寓，當灘流激湍時，舟過多，偃馬人帶灘）皆足證明馬入廣西。復按馬援傳，二徵寇略嶺外六十餘城，司晉漢以前，大庾嶺西南統稱嶺外，則二徵鞭鋒已達廣西，亦可證明馬平亂曾入廣西。至馬援進攻，由合浦登陸，鑿山刊道後，以次至鎮南關，而南寧，而橫縣。後因馬老死軍次，又適被讒罪責，出征經過，遂不聞於朝。以此論之：廣西伏波將軍祠廟，當是祀馬，而非祀路博德。清末莊蘊寬為廣西左江兵備道，督毀淫祠，以建學校。惟伏波，班夫人兩廟獨存。莊通人，當有所見也。

還珠洞傍灘水，江流蕩蕩，澄清見底。徘徊洞側，令人起清斯濯纓之想。洞內宋刻最多，宋朱晞顏詩云：「天斲神剜不計年，洞中風景異塵寰。江波蕩漾青羅帶，岩石虛明碧玉環。地接三江真蹟在，天連合浦寶珠還。重來恍似乘槎到，慚愧雲門夜不關。」

洞壁有米芾畫像，高一尺許，面微左向，右手舒二指，足作右行狀，首有冠，衣有緣，彷彿有刺繡紋，履頭喬起，可考見當時制度。惟眉目不甚分明，祇見鼻觀隆起。畫像左側，有跋，文曰：



山 綵 疊 三 二 圖

「襄陽米芾，得名能書。六朝翰墨，漁獵無餘。骨與氣勁，妙逐神俱。風姿弈然，縱覽起予。先南宮戲作此小象，真迹今歸御府。友仁書。」亦饒有價值之藝術也。

八〇 疊綵山

風洞

再遊疊綵山，即桂山，在城內東北隅，三峯連屬，前拔起，次宛轉，後龍嵒，相傳山多桂樹，故名。舊號越王山，大山屏開特立，山石層層橫斷，如積疊錦綵，故又名疊綵山。桂林風景，所謂「疊綵和風」是也。磴道平坦，砌石整齊，其桂臺舊址，新構一亭，顏曰「搏九亭」。蓋古

閩陳向元（增榮）以紀念廣西銀行總經理白搏九氏亭蓋翼然，八柱承之，共懸二匾：一顏「搏九亭」一爲亭記，文長數百字，未能具錄。有聯云：「駐馬此登臨，且招邀桂嶺灘江，重新勝境。結亭申景仰，願附庸堯山舜洞，永誌高風。」亦陳氏自撰。愚以爲建亭字，留去思，必其人與其地有密切關係者，方足使人徘徊不忍去。白搏九雖桂林人（名志鵬，白健生之叔）而其功業不在桂林，建亭其間，不足以彰其績也。

直上山門，有豐碑屹立，文曰：「常熟瞿忠宣江陵張忠烈二公成仁處，道光庚子撫粵使者梁章鉅立石。」考瞿式耜，號稼軒，江南常熟人。明崇禎中爲給事中，福王時爲廣西巡撫，定亂有功。後迎立桂王，官大學士，力保危疆，支持數載。張同敞號別山，湖廣江陵人。明崇禎中爲中書舍人，後事桂王於粵，以式耜荐，總督諸路軍務。清順治七年，清兵攻桂林，式耜留守。適同敞自靈川至，見式耜，式耜曰：「我爲留守，當死此。子無城守責，盍去諸。」同敞正色曰：「昔人恥獨爲君子，公願不許同敞共死乎？」清定南王孔有德執之，諭之降不從，令爲僧亦不從，乃幽之民舍。兩人雖異室，聲息相聞，日賦詩唱和，得百餘首。閱四十日，乃戮之於疊綵山下。將就刑，式耜從容肅衣冠，南向拜訖，與同敞並死。同敞屍植立，首墜躍而前者三人，皆辟易。臨桂諸生

楊藝，字頌父，具棺爲殮。其後清廷以瞿式耜定議立君，竭誠奉上，義全忠孝，節貫存亡，賜諡忠宣。張同敞竭力守土，抗論輕生，義烈昭著，賜諡忠烈，亦可爲後世法也。

再進爲佛寺大殿，佛像已撤，僧衆亦不見，尙存碑刻九品頌、九品圖，及禮佛滅罪文，書體作反而陰文，以便揚摹也。殿後有風洞山，岩洞幽深，竹木森秀，洞口石壁刻「風洞山」三字，書法頗勁，款爲「民紀廿三年周祖晃題」。硃迹猶新，與風洞山三字書體似異。聞周祖晃師長捐款重修，亭館聯額，髹漆一新。洞內石壁磨刻佛像，直通山北穿穴而過，冷風森森，涼氣迫人，故名風洞。有臥佛一尊，以石刻成，洞內碑刻觸目皆是。有清袁子才遊風洞登高望仙鶴明月諸峰詩云：「泱泱天大風，誰知坐此洞？古劍劈山開，千年不合縫。我身偃僕入，風迎更風送。折腰非爲米，縮脰豈爲凍？偶作警效聲，一時答者衆。匍匐非叩鐘，龕鬱如裂甕。石乳掛纓絡，陰冰凝蟬竦。遊畢再登高，出洞如出夢。一筇偏又豎，兩目闌復縱。遠山亦獻媚，橫陳怪石供。仙鶴不可招，明月猶堪弄。底事急謀歸，雲濕衣裳重。」又洞頂壁刻，大明天啓壬戌何士晉平黔亂，及甲子督粵事實，原文甚長，亦紀功之意耳。

由風洞可通太極洞，上有亭，登高遠眺，羣峯聳翠，出大殿側，有景風閣，上下兩層，昔賢題


刻，琳瑯滿壁，類多唱和之作。遊畢，復循山門而下。

八一 木龍洞

出日就門，繞城外而行。過木龍洞，北去伏波山四百步許，西望疊綵山僅百步耳。洞自南穿北，孔道通行，如砥如矢，驅車飛蓋，綽然而餘。其旁復有小洞相通，洞傍城數十武，有二石玲瓏，俯江可眺。明天啓間督學曹學佺有木龍洞詩云：「桂中稱最險，城外有重扃。匪藉丁夫鑿，能穿癸水亭。坦然車馬路，宛爾木龍形。卻喜沿江望，堯山一抹青。」

八二 虞山 韶音洞


過木龍洞，沿小東江邊，行一里許，而至虞山，又名舜山。桂林風景所謂「舜洞薰風」是也。灘水漾其左，黃潭縈其後，下有洞，曰韶音。入洞面潭，水石清漪，其地一名皇澤灣。洞南平原，舜祠在焉。前有古松，蒼翠一色。山左枕麓特高，上有亭，曰南薰。倚檻東望，堯山積翠，灘水澹淡，亭上有聯云：「冷然風解愜，宛爾樂聞韶。」光緒庚寅，江南陳日康撰。亭下崖傍，壁刻帝舜廟



山 溪 南 四 二 圖


碑，高丈餘，爲至正二十有三年夏四月，嶺南廣道肅政廉訪司事劉傑所撰，原文冗長，未及悉錄。老僧一人，款以香茗。據謂：「虞山爲前清接官之所，蓋疆臣大吏，從北京取道湖南入桂者，必經此地也。」

明魏濬辨云：「考史記舜崩於蒼梧之野，歸葬於零陵之九疑。」則信以爲卽今之蒼梧矣。其說辨者甚衆。呂氏春秋，載舜葬於紀蒼山。今陳留平邱有鳴條，而海州東海縣有蒼梧山。海州近莒之紀城，去鳴條不遠，合之孟子，此說近是。但以舜嘗有南巡之事，桂州遂名



峯 人 老 五 二 圖

山爲虞，而建廟以祀舜。黃潭縈於虞山之後，亦曰皇澤灣，皆以舜得名。遂因舜而有堯山，以其與虞山相望也。虞山韶音洞，昔賢題詠甚多。明嚴嵩虞山宴別詩云：「山隱韶音洞，江橫舜帝祠。旌旄勤出餞，岩石借題詩。客路春梅色，湘洲碧草辭。都忘去程暮，留賞更傳卮。贈言紛授簡，祖席迥臨城。奉使憐遐域，羣公荷別情。灘波經地險，桂樹向東榮。勝會知難再，相思一寄聲。」嚴震直舜洞秋風詩云：「隱隱重華洞，玲瓏倚翠巒。西風吹我衣，八月生晝寒。遙知南巡日，鑾輿此盤桓。遊思阜民財，五絃琴一彈。至



江 子 彈 六 二 圖

今江上流水聲，聲聲嗚咽鳴前灘。」

桂林山水之勝，目不暇給。此行所遊，不及十之一二，如堯山、隱山（老君洞）、南溪山（元岩洞）、白龍洞、劉仙洞、華景山（華景洞）、門鷄山、雉山，均不及往觀。深冀異日重來，以從容之日，尋幽選勝，庶免為山靈所笑耳。乃由北門而回，途經岑襄勤祠，即祀岑公毓英者（岑春煊之父）。出南門，至二我軒，選購風景照片，而返旅店。適民國日報駐桂林記者關承坤投刺請見，問余發表談話。余以遊覽名勝，別無任務，婉詞謝之。余非要人，而行踪亦為記者注

意思之不覺失笑。晚間，黃局長及吳毓騰等，自西灣抵此，相與抵掌清談。惟蚊蚋紛集，殊可厭耳。

八三 桂柳道中

四日天曉大雨，擁毯不溫，乃起床加衣。視寒暑表，在七十度下。蓋桂林氣候，一日四時。諺云：「雨下便寒晴便熱，不論春夏與秋冬。」洵非虛語。路上步隊，冒雨而過，皆往受軍訓者，刻苦耐勞，亦可嘉也。黃、吳、謝諸君，赴北門外視察銜鑛，余未攜雨衣，不克同往。八時半，黃等回旅店，乃準備啓行。九時過良豐，雨霽雲開，羣峯環繞，蒼翠悅目。十時過白沙，遠望峯巔，白雲籠罩。十時十分過陽朔，車行萬山中，風景天然，或謂舟行看山勝於陸地者。余原定計劃，擬乘蓬船下平樂，再由平樂乘電輪下梧州，以天雨及少伴未果，故水陸兩勝，不可得兼。十時半過青厄渡。十一時一刻過馬嶺，有售桃者，乃大啖之。十一時五十分到荔浦，止於集榮飯店。余自柳州至西灣，自西灣至桂林，又自桂林至柳州，三過荔浦，均飯於集榮，此中似有前緣。未幾，胡茂菁、胡吉慶、曾琴鶴亦由西灣抵此。一時，聯車而行，旋過荔江。二時五十分過瓦窰渡，天氣轉熱，如

張火傘，頗不能耐。或謂廣西天氣，早溫午熱，晚涼夜寒，一日之間，氣候不同。再過榴江，車行山谷中，聞此處舊屬中度縣，鄉人雖富有者，亦以匪爲業，今已守法矣。旋過鹿寨，余帽被風吹去，停車拾之。謝祕書謂：「未到重陽先落帽，」亦趣話也。四時卅分過脚板州。五時過雒容，再過打虎碑，而渡三門江。六時已到柳州車站，遂寓車站飯店。

飯店主人爲蘇福，南海人，以近航空處，故生意不惡。俄而大雨傾盆，雷電交作。余憑欄眺望，立魚峯即在目前，爲雨所阻，未獲登臨。咫尺天涯，爲之悵然！晚飯後，雨仍如注，諸君圍聚樓中，抵掌清談。此店設備，更爲簡陋，幸地方宏敞，空氣流通耳。

八四 柳江船中

五日黎明即起，摒擋行裝。黃局長等仍乘汽車返南寧。余與君葆乘輪船，溯柳江，下梧州，以領略沿江風景。聞啓泰電輪下午啓行，機器快捷，設備完善，乃托店主代辦船票。詎料代購建昌電輪船票，須上午啓行。即以電話與義雄告別，匆匆赴江邊上船。道路泥濘，又無車輛，步行稍緩，迨至江邊，而建昌已鼓輪啓行矣。乃回旅店，向店主交涉退票，不允。適義雄趕至送別，

謂可赴鷄喇，中途上船。蓋鷄喇在柳州東南，卽機械廠酒精廠所在之處，柳江船所必經。於是乘輕便車，以人力在後推進，沿輕便鐵軌而行，須時四十分可到。適至中途，天雨，機械廠工程師英人，駕汽車而過，義雄招之使停，乃順乘其車至機械廠。先飭人在鷄喇碼頭守望，義雄延入其寢室休息。室中陳設極簡，榻一案一，別無長具，案頭書卷，參差錯亂。余謂義雄曰：「此所謂書城坐擁作諸侯也。」相視而笑。十一時至碼頭，遠望建昌電輪，緩緩而過，卽下小艇，棹至江中，轉登建昌。義雄握手道別，爲之黯然。余等所乘者爲餐樓，架木爲榻，左右兩列，可容數十人，榻分上下，君葆居上層，余臥下層。余謂君葆曰：「此所謂有上下牀之別也。」時腹如雷鳴，船上早膳時間已過，乃呼役另備飯菜充饑。三時過運江，已屬象縣，停泊半小時，以便貨客上下。有小艇售花生桃李者，乃購嘗之。五時半過灘，懸流迴湍，一瀉數里，舟人謂爲巴拉灘，未知有誤否？相傳薛仁貴死於此，殊不可考。兩岸石壁，峻峭兀突。六時三刻到石龍，停五十分，有禁煙局上船檢查。八時泊江口，（遷江口）已入武宣縣界，爲時已夜，不便行駛。船上帳房人員，羣集餐樓打牌，喧嘩不已。吾國人多數無高尚娛樂，所謂消遣者，打牌吸煙飲酒而已。幸十時電燈齊熄，改燃煤油燈。雀戰告終，余等亦可安睡。

八五 過大籐峽

六日天未明，船已開行，視時計僅四時耳。七時三刻過大鷺灘，江右石峯，駢列而出，八時過武宣，隔江西岸山，卓立歧分，引隊南下，岩皆奇詭，若垂首引項，偃僂比肩，種種怪異，所謂仙人山是也。八時十五分過長壽洲，東望大山連亘，氣勢雄壯，雲罩峯巔，成一直綫，此卽猺山。處於修仁、蒙山、象縣、武宣、桂平、平南六縣之中，周圍約八百里，爲猺人聚居之地，現已積極宣導矣。九時過勒馬圩，過此爲桂平縣界，兩岸山漸合，石自江右山麓橫突江中，是爲橫石磯。返流倒湧，極傾洞之勢，兩涯連山逼束，至此入峽，山勢益高聳。九時廿分過大籐峽，南北兩岸，巨石突立江心，昔有巨籐橫架江上，故南北兩山猺賊，此追彼竄，藉爲津衢。韓公雍破賊斷之，因名斷籐峽。

明王守仁總督兩廣時，破斷籐峽八寨，降土酋盧蘇王，受撫其衆七萬人，至今兩粵人民，追思樂道之，卽此峽也。考王守仁，明餘姚人，字伯安，弘治進士。正德時，巡撫南贛，平大帽山諸賊，定宸濠之亂。明代文臣用兵，未有如守仁者。卒贈新建侯，諡文成。其學以良知良能爲主，弟


子盈天下，稱姚江派。嘗築室陽明洞中，世稱陽明先生，因並錄之，以誌景仰。

入大籐峽後，所過大順、小順、三門諸灘，水流湍急，灘聲若雷。九時四十五分過狼灘，再過四灘，舟人呼爲四大寇，蓋四灘連屬，均甚峻急。再行，峻崖屈曲，如夾堵牆，水勢奔流，船身搖動。山崖形狀，變幻奇詭，頗呈大觀。十時半過碧灘。再行十分鐘，江邊有巨石，舟人謂名四方城，列山如屏，船愈行，山愈高，其巔白雲籠罩，次爲石崖，次爲雜樹，次爲松樹，次爲竹樹，最下爲江岸，茅亭三五，稻田散佈，景緻清幽。余立船頭眺望，頗饒樂趣。十一時半過弩灘，舟人燃爆竹，余問帳房胡君，據謂：「柳江以此灘爲最險。昔有甘姓者，得道於此，鄉人立廟祀之，稱爲甘王爺廟，至爲靈驗。故航行柳江者，過此灘時，必祀甘王爺。」山勢迴逼，灘流洶湧，長約三里，此爲大籐峽之灘頭。此峽相去六十里，始入爲東西峽，中轉爲南北峽，絕無居廬，叢木掩蔽，兩旁舊爲獠獠窟宅，故得因勢展暴。若刊木開道，則亦丹崖釣臺，勝概相麗。過弩灘後，江面漸寬，已出峽矣。十二時過桂平縣，起貨需時，有販水果餅餌者，上船叫售，又有禁烟局員檢查旅客行李，一時復行。

八六 過桂平

桂平縣舊爲潯州府治，產米甚豐，人民足以自給。其畜產鷄鴨豬牛等，多運梧州，轉入廣東，蓋沾西江水道運輸之益。聞桂平各種建設，均有朝氣。離城四五里，有西山，龍華寺卽在山上。青松翠竹，夾道迎人，惜未能登岸一遊耳。

船過桂平，西山在望。再行有銅鼓灘，夜半灘流，其聲如鼓。再過爲鬱江合流處，清濁異色，至羊欄沙，始混合爲一色。羊欄沙有塔，似爲九層，頗爲奇觀。潯州風景，所謂西山夕照、南江晚渡、銅鼓灘聲、羊欄塔影者，卽指此也。過此江面寬廣，四圍山色，眼界豁然。二時半過大湟江口，大雨傾盆，雷電交作。船雖停泊，爲風吹動，飄搖無定，約一小時許始止。太平天國洪秀全、楊秀清，起義於金山村，卽在此處。四時復行，約半小時，過平南縣，江岸平衍，頗類蘇州河道。七時過武林，暮色四合，然天氣已晴，岸上景色，歷歷可見。八時泊白馬圩，不能前行。自此距梧州，尙有二百十里。建昌每小時可行三十餘里，倘不停泊，則尙有六小時可到梧州矣。夜間船員又打麻雀，環而觀者亦衆，餐樓無立足地，空氣悶人。十時熄燈，余亦安寢。




口 河 撫 州 梧 七 二 圖

八七 到梧州

七日，建昌四時開行，人聲喧嘩，余亦被驚醒。六時半過濛江，已入籐縣界。晨光熹微，氣候涼爽。船員出檢查旅客報告表，囑照填寫。八時早飯後，即檢理行篋。十時廿分過戎圩，已屬蒼梧縣界，有禁烟局人員上船檢查。十一時到梧州，泊撫河口。先有公安局人員檢查入口報告表，蓋章乃去；次由禁烟局人員檢查行篋，稍視即行。余等乃下小艇上岸。

自柳州航行至此，凡九百六十里，



部 區 中 市 州 梧 二 八 圖


沿江多灘。昔者僅走民船，岑春萱督粵時，招商承辦輪船，由廣東順德左某組織公司開辦，柳江之有輪船自此始。當時有船四艘，柳平、柳靖、桂富、桂安是也。卒先後觸石遇險，今者有電船行駛，吃水較淺，航行以來，頗為安全。君葆急於返港，甫抵岸，即攜行篋徑上江蘇輪船，余送君葆上船，略談片刻，即投寓大南酒店。大雨如注，如萬馬奔騰，約一小時許始息。乃到梧州分局，晤經理臧自強，並辦公事。自強約於巴黎餐室晚飯，分局同人李小安、曾樹生亦到叙。旋與樹生步行梧州市區，商景蕭條，萬方一概。

返旅店，寫遊記，宵深乃寢。

八八 桂省公路概況


此次自梧州而南寧，而柳州，而富、賀、鍾，而桂林，而柳州，而梧州，爲程約四千六百里。其中惟自柳州至梧州，乘船沿江而下，餘皆行車。公路交通，非常迅速。桂省公路：現有南寧至武鳴一綫；南寧至戎圩通梧州一綫；賓陽至柳州一綫；賓陽至上林一綫；大塘至河池一綫；柳州至三江一綫；柳州至石龍一綫；柳州至全州一綫；平樂至賀縣一綫；桂林至永福一綫；博白至武林一綫；鬱林至廣東廉江一綫；南寧至鎮南關一綫；龍州至水口一綫，合計五千餘里。此外河池至南丹通貴州貴陽一綫，長二百八十里。百色至平馬一綫，長一百六十里。南寧至廣東欽州一綫，長三百餘里，（在桂省界內爲一百五十里）亦已通車。惟梧州至賀縣通平樂一綫，僅由梧州築至黎木根約七十九里，其餘由黎木根至賀縣一段，因大山阻隔，不易通車。則桂省公路進行之速，可以想見矣。

昔者由龍州經南寧、柳州至桂林出全州，陸行需時二十餘日，今則三日可達。由梧州經



圖二九 北山上之梧州自來水廠

賓陽至南寧，船行陸行均需時二十日以上，即輪船亦需半月，今則祇需日半。由荔浦經平樂至賀縣，陸行需時五日，今則五小時可達。由河池至柳州，陸行需時七八日，今則六七小時可達。由鬱林至盤龍，陸行需時三日，今則三小時可達。由龍州經鎮南關至安南諒山，陸行需時二日，今則二小時可達。故桂省自公路行車之後，所有各路，曩昔陸行一日者，今僅需一小時。其客貨交通暢盛，可以促進各地實業經濟之發達也。



江 雋 州 梧 〇 三 圖


八九 中山紀念堂

八日早起，自強、小安來談。旋到梧州分局辦理公事。午刻，大雨傾盆，稍霽，即返旅店。胡茂菁、胡吉慶、自南寧抵梧，即由航務局科員謝樹森接其到大南酒店。聞吳毓騰尚須與黃局長赴河池、南丹、龍州、百色各處，考察鑛區。離桂之期，當在半月後也。旋與茂菁、吉慶僱汽車，環遊梧州全市，參觀中山紀念堂，堂在北山上，俯視全景，瞭然在目。灘水（即撫河）自北而南，西江自西而東，皆於梧州會流，交匯之處，水各異色，名

鴛鴦江，頗呈奇觀。紀念堂構於五年前，規模宏壯，佈置適用。堂中有大禮堂、圖書館等，聞建築設備，僅八萬餘圓，較之他省紀念堂，動輒百數十萬者，迥不同。



圖三一 梧州河濱公園之圖書館



圖三二 兒童遊樂場

矣。實事求是，有足稱焉。紀念堂前後，依山築徑，曲折盤旋，具有花木之勝，亦成佳境，故遊人頗多。遊興既闌，卽到洞天酒店晚飯，乃回旅店。梧州海關陳叶篋、蘇承基惠訪，互談別緒，宵深始辭。

九〇 梧州女警士

九日擬與茂菁、吉慶到廣西大學參觀，祇以大雨如注，未能過江，遂中止。乃在旅舍作書，分寄桂省各地友人，致謝招待盛意。是晚蘇承基、陳叶篋約宴於洞天酒店，觥籌交錯，賓主盡歡。酒闌席撤，同回旅舍。諸友正暢談中，有警察二人，手持旅客名冊，入室檢查。先問從何處來，有何任務？次檢視行篋，嬌聲軟語，頗以爲異，諦視之，服裝冠帶，雖與男警無異，而翩翩鷺步，始識別其爲女警也。撲朔迷離，雌雄莫辨。近年桂省警政，大加整頓，且參用女警士，亦事屬創舉也。

九一 西江船中

十日晨起，到分局，並至外寓視自強病，旋返旅舍。十二時，與茂菁、吉慶上江寧輪船，小安樹生送行，殷勤可感。二時開行，江上龍舟，鼓聲鑿鑿，蓋將屆端陽節矣。沿江景色，明山朗澈。四時半過都城，入粵東境，停半小時，禁烟檢查所搜查行篋，手續麻煩。六時半過德慶，遠望江邊，市塵頗盛，亦縣治也。七時過南江口，卽羅定縣屬。晚餐既罷，憑欄眺望，風景宜人，惟船載鷄鴨，臭氣吹來，殊不可耐耳。十時入室，臥床觀書，夜半二時，人聲喧嘩，爲之驚起，蓋船過肇慶，小艇紛集，乘客上岸，乃推窗一望，岸上燈火，若明若滅。憶去冬與劉東駮及子展自梧回粵，亦於夜半從肇慶登岸，作七星岩、鼎湖山之遊。宵深寒重，指凍欲僵，回首前塵，亦一趣事。

九二 到香港

十一日天未明，過三水，視時計僅三時耳。余原擬至三水上岸，乘廣三鐵路返廣州，因聞船過三水，尙未天明，故逕赴港。起床後，憑欄遠眺，岸上棊圍，一望無際，蒼翠可愛。九時過橫門關，江面漸闊，此爲西江出海處。自此艇行大海中，轉東南行，漁舟往來，風帆上下，水天連接之處，雲氣悠悠然，愈集愈多，狀如堆絮，水色黃濁，皆西江所流下者也。十二時過急水門，海水成

碧綠色，遠見九龍新界，大雨初晴，青山高峯，白雲重罩。汽車沿山麓疾駛，宛如螞蟻盤旋，屋舍樹林，歷歷在目。二時入港，江中船舶，有如棋布星羅，愈行愈近，已泊香港海岸。鄭民元、高民鐸、鄭寶璘、蔡君直諸君，咸集碼頭相接，乃同到香港分局。茂菁言慶寓皇后酒店，不日候船南行矣。

桂遊一月記終



舒新城先生著

故鄉

一冊
八角

本書爲書信體之遊記，共分三編：①歸程雜拾，記由南京至湖南淑浦的旅程；②故鄉瑣記，記作者家庭及其故鄉的情形；③資湘漫錄，記資水民船上及長沙之生活。原稿爲作者寫與其友人樾君之書信，故情詞極爲親切；其對於內地社會現象及家庭情形之描述與分析，尤爲精到。作者並在自序中說：『……這其中的瑣細與片斷，大概是現在中國農村家庭與農村社會普遍的一種現象，則此冊或亦可視爲「現代中國」之一部分的真實史料。』故此書實爲富有歷史性的文藝作品。去年摘錄一部分發表於新中華雜誌，很受讀者歡迎。今由作者將全稿整理，並加照片五十餘張，用上等道林紙精印。凡愛好文藝以及研究中國社會問題，農村問題，家庭問題者，均不可不人手一編。

蜀遊心影

一冊
九角

是書爲書信體之遊記，計分三編：第一編寧滬途中，記由南京至重慶途中之情形；第二編渝蓉紀程，記由重慶至成都之見聞；第三編錦城雜拾，記在成都數月間之遊踪及當地之人情風俗。作者旅居成都，係在民國十三年、四年之間，其時尙無公路，由重慶至成都須十餘日，且以地方不靖，循小路而行，故能深入內地，洞悉內地之真實情形。在成都半年，遍遊該地之名勝，對於當地教育及社會情形，尤有精確之觀察。作者文筆雋逸，更善攝影，凡文字不能表達者，則以照片輔之，表現當時之社會現象，儼然如生，實爲不可多得之富於社會史料的作品。凡從事社會研究及文學研究者，均不可不讀焉。

中央書局出版

江亢虎遊迴南洋想記

江亢虎著 五角

江亢虎博士於民國十二三年間，旅行南洋羣島及各國各屬地，歷星加坡、檳榔嶼、柔佛、仰光、盤谷、西貢、馬尼拉等埠，所至披拾政聞，觀察風俗，尤注意華僑所創辦之實業與教育，歸舟六晝夜間，草迴想記八萬餘言，於國勢凌夷，僑民疾苦，痛乎言之，時序更移，迄已十年，披卷瀏覽，南洋十年前之景色，羅陳目前，不僅作尋常遊記讀也。

南洋旅行漫記

梁紹文著 一元二角

本書將當時南洋歷史、地理、僑胞之生活狀況，以及各國殖民政府待遇僑胞之情形，詳述靡遺。並搜集各地之奇風異俗、古蹟、神話，一一詳細紀之。文采斐然，不僅可作遊記讀，實為最富內容之小品文，令人百讀不厭。凡治史地、文學等科者，均有瀏覽之必要。

南洋

黃柳園編 三角五分

是書為研究南洋之專著，舉凡該地開闢時之歷史、交通、要政、面積、人口、物產、金融、行政、教育、種族、風俗、以及各國殖民政策、華僑狀況，均歸納敘述，有條不紊；且敘述詳盡明晰，讀之可得一般之鳥瞰，洵為研究南洋地理與近代歷史之絕好參考資料；初中學生採作地理科之補充讀物，最為適合。

中華書局出版


中華書局宣會圖書雜誌審委會審查證審字第一九六五號

民國二十四年八月印刷
民國二十四年八月發行

桂遊一月記 (全一冊)

◎ 定價銀四角五分

(外埠另加郵匯費)



著者 鄭子健

發行者 中華書局有限公司
代表人 陸費達

印刷者 上海靜安寺路
中華書局印刷所

總發行所 上海棋盤街 中華書局

分發行所 各埠 中華書局

標商冊註

